

四庫全書

史部

欽定四庫全書

史部

資治通鑑卷一百十二

詳校官修撰_臣錢 榮

洗馬_臣王坦修覆勘

總校官知縣_臣楊懋珩

校對官中書_臣葉 蘭

謄錄監生_臣李如梓

欽定四庫全書

資治通鑑卷一百十一

宋司馬光撰

胡三省音注

晉紀三十三

起唐維大淵獻盡上章固敦元三年

安皇帝丙

隆安三年春正月辛酉大赦戊辰燕昌黎尹留忠謀

反誅事連尚書令東陽公根尚書段成皆坐死遣中衛

將軍衛雙就誅忠弟志於凡城以衛將軍平原公元為

司徒尚書令 庚午魏主珪北巡分命大將軍常山王

遵等三軍從東道出長川

長川在禦夷鎮西北大漢之東垂也下所謂西道中道蓋

絕漠分為三路

鎮北將軍高涼王樂真等七軍從西道出牛川

珪自將大軍從中道出馭髯水以襲高車

將即亮翻馭北角翻髯而

占翻

壬午燕右將軍張真城門校尉和翰坐謀反誅癸

未燕大赦改元長樂

樂音洛

燕主盛每十日一自決獄不

加拷掠多得其情

拷音考掠音亮史言慕容盛以聰察殺身

武威王烏孤

徙治樂都

治直之翻
樂音洛

以其弟西平公利鹿孤鎮安夷

安夷

縣漢屬金城郡
晉分屬西平郡

廣武公儁檀鎮西平

西平治樂都縣唐
鄯州之湟水縣也

儁奴
沃翻

叔父素渥鎮湟河若留鎮澆河從弟替引鎮嶺南

嶺南即洪
池嶺之南

洛回鎮廉川從叔吐若留鎮浩疊

從才用翻
浩疊在樂

都之東隋唐併入湟
水縣浩音誥疊音門

夷夏俊傑

夏戶
雅翻

隨才授任內居顯

位外典郡縣咸得其宜烏孤謂羣臣曰隴右河西本數

郡之地

漢時河西置武威張掖酒泉
四郡隴右置隴西金城二郡

遭亂分裂至十餘

國呂氏乞伏氏段氏最彊今欲取之三者何先楊統曰

乞伏氏本吾之部落終當服從

乞伏與秃髮氏皆鮮卑也

段氏書生

無能為患且結好於我攻之不義

好呼呂光

衰耄嗣子

微弱

謂光以子紹為嗣也

纂弘雖有才而內相猜忌若使浩疊廉

川乘虛迭出彼必疲於奔命不過二年兵勞民困則姑

臧可圖也

姑臧呂光所都

姑臧舉則二寇不待攻而服矣烏孤

曰善

二月丁亥朔魏軍大破高車三十餘部獲七萬

餘口馬三十餘萬匹牛羊百四十餘萬頭衛王儀別將

三萬騎絕漠千餘里

將即亮翻

破其七部獲二萬餘口馬五

萬餘匹牛羊二萬餘頭高車諸部大震 林邑王范達

陷日南九真遂寇交趾太守杜瑗擊破之

瑗于春翻

庚戌

魏征虜將軍庾岳破張超於勃海斬之

張超據南皮見上卷上年

段業即涼王位改元天璽

是為北涼璽斯氏翻

以沮渠蒙遜為尚

書左丞

沮子余翻

梁中庸為右丞

魏主珪大獵於牛川之

南以高車人為圍周七百餘里因驅其禽獸南抵平城

使高車築鹿苑廣數十里

廣古曠翻

三月己未珪還平城甲

子珪分尚書三十六曹及外署凡置三百六十曹令八

部大夫主之

八部大夫恐當作八部大人魏王珪天興元年置八部大人於皇城四方四維一面

置一人以擬八座謂之八國各有屬官常侍待詔直左右出入王命

吏部尚書崔宏通署

三十六曹如令僕統事置五經博士增國子太學生員

合三千人珪問博士李先曰天下何物最善可以益人

神智對曰莫若書籍珪曰書籍凡有幾何如何可集對

曰自書契以來世有滋益以至于今不可勝計苟人主

所好何憂不集珪從之命郡縣大索書籍悉送平城

魏主

珪之崇文如此而魏之儒風及平涼州之後始振蓋代北以右武為俗雖其君尚文未能回也嗚呼平涼之後

儒風雖振而北人胡服至孝文遷洛之時未盡改也
用夏變夷之難如是夫勝音升好呼到翻索晉容翻

初秦王登之弟廣帥衆三千依南燕王德德以為冠軍

將軍處之乞活堡

帥讀曰率冠古玩翻乞活堡晉惠帝時諸賊保聚之地處昌呂翻

會

熒惑守東井或言秦當復興復扶廣乃自稱秦王擊南

燕北地王鍾破之是時滑臺孤弱

德徙滑臺事見上卷上年

土無十

城衆不過一萬鍾既敗附德者多去德而附廣德乃留

魯陽王和守滑臺自帥衆討廣斬之

帥讀曰率下同

燕王寶之

至黎陽也

事見上卷上年

魯陽王和長史李辯勸和納之和

從辯懼故潛引晉軍至管城

事亦見上卷上年

欲因德出戰而

作亂既而德不出辯愈不自安及德討苻廣辯復勸和

反

復扶又翻下同

和不從辯乃殺和以滑臺降魏

降戶江翻

魏行臺

尚書和跋在鄴帥輕騎自鄴赴之

寄騎

既至辯悔之閉

門拒守跋使尚書郎鄧暉說之

鄧暉魏之鄴臺尚書郎也說輸芮翻

辯乃

開門內跋跋悉收德宮人府庫德遣兵擊跋跋逆擊破

之又破德將桂陽王鎮

將即亮翻

俘獲千餘人陳頴之民多

附於魏

陳頴陳郡

南燕右衛將軍慕容雲斬李辯帥將

士家屬二萬餘口出滑臺赴德

帥讀曰率

德欲攻滑臺韓範

曰嚮也魏為客吾為主人今也吾為客魏為主人人心

危懼不可復戰

復扶又翻

不如先據一方自立基本乃圖進

取

微韓範之言德若進攻滑臺必至喪敗固不待慕容超之時也

張華曰彭城楚之舊

都

項羽都彭城故云然

可攻而據之北地王鍾等皆勸德攻滑臺

尚書潘聰曰滑臺四通八達之地

滑臺當滑津之要魏自北渡河而南向晉

從清水入河秦汧渭順河而下皆湊於滑臺又其城旁無山陵可依車騎舟師皆可以騁故謂之四通八達之

地北有魏南有晉西有秦居之未嘗一日安也彭城土

曠人稀平夷無險且晉之舊鎮未易可取

易以

又密邇

江淮夏秋多水乘舟而戰者吳之所長我之所短也青

州沃野二千里精兵十餘萬左有負海之饒右有山河

之固廣固城曹嶷所築

嶷魚力翻

地形阻峻足為帝王之都

三齊英傑思得明主以立功於世久矣辟閭渾昔為燕

臣

孝武大元十九年辟閭渾為慕容農所破遂臣於燕

今宜遣辯士馳說於前大

兵繼踵於後若其不服取之如拾芥耳

兼弱攻昧取亂侮亡自三代之

時仲虺已有是言夫子定書弗之刪也後人泥古專言王者之師以仁義行之若宋襄公可以為鑒矣說翰尚

翻既得其地然後閉關養銳伺隙而動此乃陛下之關

中河內也

用荀彧說魏武之言伺相吏翻

德猶豫未決沙門竺朗素善

占候

竺朗之俗姓

德使牙門蘇撫問之朗曰敬覽三策潘尚

書之議興邦之言也且今歲之初彗星起奎婁掃虛危

彗者除舊布新之象奎婁為魯虛危為齊

晉天文志奎婁胃魯徐州

虛危齊青州彗祥歲翻又旋芮翻又徐醉翻

宜先取兗州巡撫琅邪至秋乃

北徇齊地此天道也撫又密問以年世朗以周易筮之

曰燕衰庚戌年則一紀世則及子

其後燕亡於義熙六年歲在上章闡茂上

章庚也闕
茂戍也

撫還報德德乃引師而南兗州北鄙諸郡縣

皆降之

降戶江
翻下同

德置守宰以撫之禁軍士無得虜掠百

姓大悅牛酒屬路

屬之
欲翻

丙子魏主珪遣建義將軍庾

真越騎校尉奚斤擊庫狄宥連侯莫陳三部皆破之

其後

庫狄侯莫陳二姓皆貴
顯而宥連之種微矣

追奔至大峨谷置戍而還

還從
宜翻

又如
字

己卯追尊帝所生母陳夫人為德皇太后夏

四月鮮卑疊掘河內帥戶五千降于西秦西秦王乾歸

以河內為疊掘都統以宗女妻之

疊掘亦鮮卑一種也
河內其名掘其月翻

妻七
細翻

甲午燕大赦 會稽王道子有疾會工外翻且無日

不醉世子元顯知朝望去之乃諷朝廷解道子司徒揚

州刺史

朝直遙翻下同

乙未以元顯為揚州刺史道子醒而後

知之大怒無如之何元顯以廬江太守會稽張灋順為

謀主

會工外翻

多引樹親黨朝貴皆畏事之

為元顯張灋順俱被誅張本

燕散騎常侍餘超左將軍高和等坐謀反誅

散患宜翻騎奇

寄翻

涼太子紹太原公纂將兵伐北涼

河西四郡張掖在北故號北涼

將即亮翻

北涼王業求救於武威王烏孤烏孤遣驃騎大將

軍利鹿孤及楊軌救之

驃匹妙翻
騎奇寄翻

業將戰沮渠蒙遜諫

曰楊軌恃鮮卑之彊有窺窬之志

禿髮本鮮卑種
也沮子余翻

紹纂

深入置兵死地不可敵也今不戰則有泰山之安戰則

有累卵之危業從之案兵不戰紹纂引兵歸六月烏孤

以利鹿孤為涼州牧鎮西平召車騎大將軍偁檀入錄

府國事

偁奴
沃翻

會稽世子元顯自以少年不欲頓居重

任

少詩
照翻

戊子以琅邪王德文為司徒

魏前河間太守

盧溥帥其部曲數千家就食漁陽遂據有數郡秋七月

已未燕王盛遣使拜溥幽州刺史

為下魏黜張袞襲禽盧溥張本帥讀曰率

使疏吏翻

辛酉燕王盛下詔曰法例律公侯有罪得以金

帛贖

戰國時魏文侯師李悝撰次諸國法著法經以為王者之政莫急盜賊盜賊須劾捕故著網捕二篇

其輕狡越城博戲假借不廉淫侈踰制以為雜律一篇又以其律具其加減故所著六篇皆罪名之制也漢蕭何條益事律興廢戶三篇合為九篇魏陳羣等采漢律制新律十八篇集罪例為刑名冠於律首盜律有劫略恐獨和賣買人科有持質皆非盜事分以為劫略律賊律有欺謾詐偽踰封矯制囚律有詐偽生死令內有詐自復免事類眾多分為詐律賊律有賊伐樹木殺傷人畜產及諸亡印金布律有毀傷亡失縣官財物分為毀亡律囚律有告劾傳覆廢律有告反逮受科有登聞道辭分為告劾律囚律有繫囚鞠獄斷獄之法與律有上

獄之事科有考事報讞宜別為篇分為繫訊斷獄律盜律有受所監受財枉法雜律有假借不廉令有呵人受錢科有使者驗賂其事相類分為請賕律盜律有勃辱強賊興律有擅興徭役具律有出賣科有擅作修舍事分為興擅律興律有乏徭稽留賊律有儲峙不辦廢律有乏軍乏興及舊典有奉法不謹不承用詔書漢氏施行不宜復以為濫別為之留律秦世舊有廩置乘傳副車食厨後漢但設騎置無車馬而律猶著其文則為虛設故除廩律取其可用合科者為郵驛令告劾律上言變事令以驚事告急與興律烽燧及科令者以為驚事律盜律有還賊卑主金布律有罰贖入責以呈黃金為價科有平庸坐賊事以為償贖律律之初制無免坐之文張湯趙禹始作監臨部主見知故縱之例其見知而故不舉劾以贖論其不見不知者不坐科條免坐繁多宜總為免例以省科文故更定以為免坐律晉初賈充定法就漢九章增十一篇改舊律為刑名法例辨囚

律為告劾繫訊斷獄分盜律為請賕詐偽水火毀亡因
事類為衛禁違制撰周官為諸侯律合二十篇孔頴達
曰古之贖罪皆用銅漢始改用黃金但少其斤兩令與
金相敵漢及後魏贖罪皆用黃金後魏以金難得合金
一兩收絹十匹今律乃復依古贖銅此不足以懲惡而利於王府甚無謂

也自今皆令立功以自贖勿復輸金帛

復扶又翻

西秦丞

相南川宣公出連乞都卒

南川地名宣謚也

秦齊公崇鎮東

將軍楊佛嵩寇洛陽河南太守隴西辛恭靖嬰城固守

雍州刺史楊佺期遣使求救於魏常山王遵

雍於用翻使疏吏翻

同魏主珪以散騎侍郎西河張濟為遵從事中郎以報

之佺期問於濟曰魏之伐中山戎士幾何濟曰四十餘

萬

事見一百八卷孝武太元二十一年

佺期曰以魏之彊小羌不足滅也

且晉之與魏本為一家

謂猗盧救劉琨時也

今既結好

好呼到翻

義無

所隱此間兵弱糧寡洛陽之救恃魏而已若其保全必

有厚報若其不守與其使羌得之不若使魏得之

若楊佺期

者豈可使之扞禦封疆哉

濟還報八月珪遣太尉穆崇將六萬騎往

救之燕遼西太守李朗在郡十年威行境內

燕遼西郡治令

支恐燕主盛疑之累徵不赴以其家在龍城未敢顯叛

陰召魏兵許以郡降

魏降戶江翻下同

遣使馳詣龍城廣張寇

勢盛曰此必詐也召使者詰問

詰去吉翻

果無事實盛盡滅

朗族丁酉遣輔國將軍李旱討之

初魏奮武將軍張

袞以才謀為魏主珪所信重委以腹心珪問中州士人

於袞袞薦盧溥及崔逞珪皆用之珪圍中山久未下軍

食乏

見一百九卷
隆安元年

問計於羣臣逞為御史中丞對曰桑

堪可以佐糧飛鶚食堪而改音詩人所稱也珪雖用其

言聽民以堪當租然以逞為侮慢心銜之

詩翩彼飛鶚
集于泮林食

我桑堪懷我好音註云鴉惡聲之鳥也鴉恒惡鳴今食桑堪故改其鳴歸就我以善音珪本北人而入中原故
街逞以秦人寇襄陽雍州刺史郝恢以書求救於魏常

山王遵曰賢兄虎步中原珪以恢無君臣之禮命袞及

逞為復書必貶其主袞逞謂帝為貴主珪怒曰命汝貶

之而謂之貴主何如賢兄也逞之降魏也見一百九卷隆安元年

以天下方亂恐無復遺種種章勇翻使其妻張氏與四子留

冀州逞獨與幼子躋詣平城躋士草翻所留妻子遂奔南燕

珪并以是責逞賜逞死盧溥受燕爵命侵掠魏郡縣殺

魏幽州刺史封沓干珪謂袞所舉皆非其人黜袞為尚

書令史袞乃闔門不通人事惟手校經籍歲餘而終燕

主寶之敗也中書令民部尚書封懿降於魏珪以懿為

給事黃門侍郎都坐大官

魏官有三都大官都坐大官外都大官內都大官坐祖卧

翻珪問懿以燕氏舊事懿應對疎慢亦坐廢於家

珪蓋自疑

以為衣冠之士慢之也

武威王禿髮烏孤醉走馬傷脇而卒遺

令立長君

長知兩翻

國人立其弟利鹿孤謚烏孤曰武王廟

號烈祖利鹿孤大赦徙治西平南燕王德遣使說幽

州刺史辟閭渾欲下之

晉氏南渡僑立幽冀青并四州於江北秦圍幽州刺史田洛于

三阿是其證也孝武太元之季復取齊地徙幽冀二州于齊是後鎮齊者率領青冀二州刺史渾領幽州刺史

蓋自北而南未純為晉臣使領幽州而鎮廣固也說翰苻翻渾不從德遣北地王鍾

帥步騎二萬擊之

帥讀曰率

德進據琅邪徐兗之民歸附者

十餘萬德自琅邪引兵而北以南海王法為兗州刺史

鎮梁父

父音甫

進攻莒城守將任安委城走德以潘聰為

徐州刺史鎮莒城

莒縣前漢屬城陽國後漢屬琅邪晉分屬東莞郡將即亮翻任音壬蘭

汗之亂燕吏部尚書封孚南奔辟閭渾渾表為勃海太

守及德至孚出降

降戶江
翻下同

德大喜曰孤得青州不為喜

喜得卿耳遂委以機密北地王鍾傳檄青州諸郡諭以

禍福辟閭渾徙八千餘家入守廣固遣司馬崔誕戍薄

荀固平原太守張豁戍柳泉

薄荀蓋人姓名遇亂聚眾
保固此地因以為名齊人

率謂保聚之地為固漢書地理志
北海郡有柳泉侯國後漢晉省

誕豁承檄皆降於德

渾懼携妻子奔魏德遣射聲校尉劉綱追之及於莒城

斬之渾子道秀自詣德請與父俱死德曰父雖不忠

以辟

閭渾背燕
為不忠

而子能孝特赦之渾參軍張瑛為渾作檄

瑛音

英為子偽翻辭多不遜德執而讓之瑛神色自若徐曰渾之

有臣猶韓信之有蒯通通遇漢祖而生事見十二卷高祖十二年臣

遭陛下而死比之古人竊不不幸耳德殺之遂定都廣

固燕李旱行至建安燕主盛急召之羣臣莫測其故

九月辛未復遣之李朗聞其家被誅被皮義翻擁二千餘戶

以自固及聞旱還謂有內變不復設備復扶又翻留其子養

守令支應劭曰令音鈴師古曰音郎定翻自迎魏師於

北平前漢北平郡治平剛後漢治土垠晉治徐無後魏治盧龍士子旱襲令支克之

遣廣威將軍孟廣平追及朗於無終斬之

無終春秋無終子之國自

漢以來為縣屬右北平劉昫曰唐薊州玉田縣漢無終縣地

秦主興以災異屢見

見賢遍翻降號稱王下詔令羣公卿士將牧守宰各降一等

將即亮翻守式又翻下同

大赦改元弘始存問孤貧舉拔賢俊簡省

灋令清察獄訟守令之有政迹者賞之貪殘者誅之遠

近肅然冬十月甲午燕中衛將軍衛雙有罪賜死李

早還聞雙死懼棄軍而亡至板陁

陁音刑

復還歸罪

復扶又翻

燕主盛復其爵位謂侍中孫劼曰早為將而棄軍罪在

不赦

勅渠京翻將即亮翻

然昔先帝蒙塵骨肉離心公卿失節惟

早以宦者忠勤不懈始終如一

事見上卷二年

故吾念其功而

赦之耳

辛恭靖固守百餘日魏救未至秦兵拔洛陽

獲恭靖恭靖見秦王興不拜曰吾不為羌賊臣興囚之

恭靖逃歸自淮漢以北諸城多請降送任於秦

降戶江翻

魏主珪以穆崇為豫州刺史鎮野王

秦既克洛陽魏置鎮於野王以備其

渡河侵軼

會稽世子元顯性苛刻

會工外翻

生殺任意發東土

諸郡免奴為客者

奴戶者有罪沒為官奴公卿以下至九品官及宗室國賓先賢之後及士

人子孫占蔭以為客
戶是謂免奴為客

號曰樂屬

樂徒各翻

移置京師以充兵

役東土囂然苦之孫恩因民心騷動自海島帥其黨殺

上虞令

上虞縣自漢以來屬會稽郡西北距郡城百餘里帥讀曰率

遂攻會稽會稽

內史王凝之羲之之子也世奉天師道

天師道即張道陵之所傳也會

工外翻

不出兵亦不設備日於道室稽顙跪呪

道室奉道之室也稽

音啟官屬請出兵討恩凝之曰我已請大道借鬼兵守諸

津要各數萬賊不足憂也及恩漸近乃聽出兵恩已至
郡下甲寅恩陷會稽凝之出走恩執而殺之并其諸子

凝之妻謝道蘊亦之女也聞寇至舉措自若命婢肩輿

抽刀出門手殺數人乃被執

被皮義翻

吳國內史桓謙臨海

太守新秦王崇

晉書作新蔡王崇崇汝南王祐之曾孫自其祖父以來嗣新蔡國封秦當作蔡

義興太守魏隱皆棄郡走於是會稽謝鍼吳郡陸瓌吳

興丘

鍼其庶翻瓌姑回翻丘烏光翻

義興許允之臨海周胄永嘉張

永等及東陽新安凡八郡人一時起兵殺長吏以應恩

旬日之中衆數十萬吳興太守謝邈永嘉太守司馬逸

嘉興公顧曄南康公謝明慧黃門郎謝冲張琨中書郎

孔道等皆為恩黨所殺邈冲皆安之弟子也時三吳承平日久民不習戰故郡縣兵皆望風奔潰恩據會稽自稱征東將軍逼人士為官屬號其黨曰長生人民有不與之同者戮及嬰孩死者什七八醢諸縣令以食其妻

子

食祥吏翻

不肯食者輒支解之

支解者隨其支節解剥若解牛然

所過掠

財物燒邑屋焚倉廩刊木堙井

孔安國曰刊槎其木也堙塞也

相帥聚

於會稽

帥讀曰牽下同

婦人有嬰兒不能去者投於水中曰賀

汝先登仙堂我當尋後就汝恩表會稽王道子及世子

元顯之罪請誅之自帝即位以來內外乖異石頭以南皆為荊江所據以西皆豫州所專

江水自荊江二州界入揚州界皆東北流

歷陽在江西建康在江東孫權築石頭城蓋據江津之要衝也

京口及江北皆劉牢之

及廣陵相高雅之所制朝政所行惟三吳而已

朝直送翻

孫恩作亂八郡皆為恩有

八郡會稽臨海永嘉東陽新安吳興義興也

畿內

諸縣盜賊處處蠭起恩黨亦有潜伏在建康者人情危

懼常慮竊發於是內外戒嚴加道子黃鉞元顯領中軍

將軍命徐州刺史謝琰兼督吳興義興軍事以討恩劉

牢之亦發兵討恩拜表輒行

牢之鎮京口

西秦以金城太

守辛靜為右丞相 十二月甲午燕燕郡太守高湖帥

戶三千降魏湖泰之子也

為後高歡篡魏張本降戶江翻

丙午燕主

盛封弟淵為章武公虔為博陵公子定為遼西公 丁

未燕太后段氏卒謚曰惠德皇后 謝琰擊斬許允之

迎魏隱還郡進擊丘乂破之與劉牢之轉鬪而前所向

輒克琰留屯烏程

烏程縣前漢屬會稽郡後漢屬吳郡魏晉以來屬吳興郡

遣司馬

高素助牢之進臨浙江

浙之翻

詔以牢之都督吳郡諸軍

事初彭城劉裕生而母死父翹僑居京口家貧將棄之

同郡劉懷敬之母裕之從母也生懷敬未晷走往救之

斷懷敬乳而乳之

從才用翻斷丁管翻上乳如字下乳人喻翻

及長勇健有

大志僅識文字以賣履為業好樗蒲為鄉閭所賤

長知兩翻

好呼到翻

劉牢之擊孫恩引裕參軍事

晉宋之制參軍不署曹者無定員

使

將數十人覘賊遇賊數千人即迎擊之從者皆死

覘丑廉翻

從才用翻

裕墜岸下賊臨岸欲下裕奮長刀仰斫殺數人乃

得登岸仍大呼逐之

呼火故翻

賊皆走裕所殺傷甚衆劉敬

宣怪裕久不返引兵尋之見裕獨驅數千人咸共歎息

因進擊賊大破之斬獲千餘人

劉裕事始此

初恩聞八郡響

應謂其屬曰天下無復事矣

復扶又翻

當與諸君朝服至建

康

言欲踐位也朝直遙翻

既而聞牢之臨江曰我割浙江以東不

失作句踐

欲如越王句踐保有會稽也句音鈎

戊申牢之引兵濟江恩聞

之曰孤不羞走

江表傳周瑜之破魏軍也曹公曰孤不羞走故恩引以為言

遂驅男

女二十餘萬口東走多棄寶物子女於道官軍競取之

恩由是得脫復逃入海島

復扶又翻下同

高素破恩黨於山陰

山陰縣屬會稽郡
郡城以北皆縣界

斬恩所署吳郡太守陸瓌

瓌工回翻

吳興

太守丘乂餘姚令吳興沈穆夫

餘姚縣屬會稽郡在郡城東二百餘里

東

土遭亂企望官軍之至

企去智翻

既而牢之等縱軍士暴掠

士民失望郡縣城中無復人跡月餘乃稍有還者朝廷

憂恩復至以謝琰為會稽太守都督五郡軍事帥徐州

文武戍海浦

五郡會稽臨海東陽永嘉新安也今自龕山而東至蘭風石堰鳴鶴松浦蟹浦定海

皆海浦也
帥讀曰率

以元顯錄尚書事時人謂道子為東錄元顯

為西錄西府車騎填轅東第門可張羅矣元顯無良師

友所親信者率皆佞諛之人或以為一時英傑或以為

風流名士由是元顯日益驕侈諷禮官立議以已德隆

望重既錄百揆百揆皆應盡敬

舜納于百揆禹宅百揆周官曰唐虞稽古建官

維百內有百揆四岳外有州牧侯伯皆以百揆為官名孔安國曰揆度也舜舉八凱使揆度百事是古以百揆名官之義也晉人多以百揆為百官於是公卿以下見元顯皆拜時軍旅

數起國用虛竭自司徒以下日廩七升而元顯聚斂不

已富踰帝室

為元顯亡國敗家張本數所角翻斂力瞻翻

殷仲堪恐桓玄

跋扈乃與楊佺期結昏為援佺期屢欲攻玄仲堪每抑

止之玄恐終為殷楊所滅乃告執政求廣其所統執政

亦欲交構使之乖離乃加玄都督荊州四郡軍事

執政謂元

顯荊州四郡謂長沙衡楊湘東零陵也

又以玄兄偉代佺期兄廣為南蠻

校尉佺期忿懼楊廣欲拒桓偉仲堪不聽出廣為宜都

建平二郡太守楊孜敬先為江夏相

夏戶雅翻相息亮翻

玄以兵

襲而劫之以為詔議參軍佺期勒兵建牙聲言援洛欲

與仲堪共襲玄仲堪雖外結佺期而內疑其心苦止之

猶慮弗能禁遣從弟遁屯于北境

遁以律翻雍州治襄陽在江陵之北

過佺期佺期既不能獨舉又不測仲堪本意乃解兵仲

堪多疑少決

少詩
詔翻

諮議參軍羅企生謂其弟遵生曰殷

侯仁而無斷必及於難

企去智翻斷丁
亂翻難乃旦翻

吾蒙知遇義不

可去必將死之是歲荊州大水平地三丈仲堪竭倉廩

以賑饑民

賑之
忍翻

桓玄欲乘其虛而伐之乃發兵西上

上時

掌翻亦聲言救洛與仲堪書曰佺期受國恩而棄山陵宜

共罪之

晉復洛陽以屬雍州統內
故玄以棄山陵罪佺期

今當入沔討除佺期

沔彌
充翻

已頓兵江口若見與無貳

與許也從也黨也
心持兩端為貳

可收

楊廣殺之如其不爾便當帥兵入江

入江則欲攻江陵帥讀曰率下同

時巴陵有積穀玄先遣兵襲取之梁州刺史郭銓當之

官路經夏口

夏戶雅翻

玄詐稱朝廷遣銓為已前鋒乃授以

江夏之衆使督諸軍並進密報兄偉令為內應偉遽

不知所為

遽急也遽亦急也

自齎疏示仲堪仲堪執偉為質

質音

致令與玄書辭甚苦至玄曰仲堪為人無決常懷成敗

之計為兒子作慮

偽翻

我兄必無憂也仲堪遣殷適帥

水軍七千至西江口

水經江水東至長沙下雋縣北湘水從南來注之江水又東左得二

夏浦註云夏浦
俗謂之西江口

玄使郭銓苻宏擊之

孝武太元十年苻
宏來奔處之江州

玄因以
為將

適等敗走玄頓已陵食其穀仲堪遣楊廣及弟

子道護等拒之皆為玄所敗

敗補
邁翻

江陵震駭城中乏食

以胡麻廩軍士

胡麻今謂之苳麻粒小於粟而黑可以
為油九炊九曝以為飯食之使人不飢

廩當作
粟給也

玄乘勝至零口

零口即靈溪
入江之口

去江陵二十里仲

堪急召楊佺期以自救佺期曰江陵無食何以待敵可

來見就共守襄陽仲堪志在全軍保境不欲棄州逆走

乃紹之曰

紹待
亥翻

比來收集已有諸矣

比毗至
翻近也

佺期信之

帥步騎八千精甲耀日至江陵仲堪唯以飯餉其軍俚期大怒曰今茲敗矣不見仲堪與其兄廣共擊玄玄畏

其銳退軍馬頭

江陵縣南有江津戍或南對馬頭岸

明日俚期引兵急擊

郭銓幾獲之

幾居依翻

會玄兵至俚期大敗單騎奔襄陽仲

堪出奔鄧城

鄧縣即蕭何所封之邑漢屬南陽郡晉分屬順陽郡鄧音贊

玄遣將軍

馮該追俚期及廣皆獲而殺之傳首建康俚期弟思平

從弟尚保孜敬逃入蠻中

從才用翻

仲堪聞俚期死將數百

人將奔長安至冠軍城

冠軍縣即霍去病所封之邑屬南陽郡其地在唐鄧州臨湍縣

南界冠古玩翻

該追獲之還至柞溪

水經註柞溪水出江陵縣北蓋諸池散流咸所會合

積以成川東流逕驛路水上有大橋仲堪縊處也又東注船官湖柞子各翻又在各翻

逼令自殺

并殺殷道護仲堪奉天師道禱請鬼神不吝財賄而嗇

於周急好為小惠以悅人

好呼到翻

病者自為診脉分藥

診止

恐翻按脉以候病為診為于偽翻

用計倚伏煩密而短於鑒略故至於

敗仲堪之走也文武無送者惟羅企生從之路經家門

弟遵生曰作如此分離何可不一執手企生旋馬授手

遵生有力因牽下之曰家有老母去將何之企生揮淚

曰今日之事我必死之汝等奉養

金去智翻養羊尚翻下同

不失子

道一門之中有忠與孝亦復何恨

又翻復扶

遵生抱之愈急

仲堪於路待之見企生無脫理策馬而去及玄至荊州

人士無不詣玄者企生獨不往而營理仲堪家事或曰

如此禍必至矣企生曰殷侯遇我以國士為弟所制不

得隨之共殄醜逆復何面目就桓求生乎

復扶又翻下同

玄聞

之怒然待企生素厚先遣人謂曰若謝我當釋汝企生

曰吾為殷荊州吏荊州敗不能救尚何謝為玄乃收之

復遣人問企生欲何言企生曰文帝殺嵇康嵇紹為晉

忠臣

殺嵇康事見七十八卷魏元帝景元三年嵇紹死事見八十五卷惠帝永興元年

從公乞

一弟以養老母玄乃殺企生而赦其弟涼王光疾甚

立太子紹為天王自號太上皇帝以太原公纂為太尉

常山公弘為司徒謂紹曰今國家多難三鄰伺隙

三鄰謂禿

髮乞伏段業也難乃旦翻

吾沒之後使纂統六軍弘管朝政

朝直汝遙翻

恭已無為委重二兄庶幾可濟

幾居依翻

若內相猜忌則蕭

牆之變旦夕至矣又謂纂弘曰永業才非撥亂

呂紹字永業

直以立嫡有常猥居元首

君為元首

今外有彊寇人心未寧

汝兄弟緝睦則祚流萬世

緝當作輯

若內自相圖則禍不旋

踵矣纂弘泣曰不敢又執纂手戒之曰汝性麤暴深為

吾憂善輔永業勿聽讒言是日光卒

年十六

紹秘不發喪

纂排閤入哭盡哀而出紹懼以位讓之曰兄功高年長

長知兩翻

宜承大統纂曰陛下國之冢嫡臣敢奸之

奸音干

紹

固讓纂不許驃騎將軍呂超謂紹曰纂為將積年

驃匹妙翻

騎奇寄翻

威震內外臨喪不衰步高視遠必有異志宜

將即亮翻

早除之紹曰先帝言猶在耳奈何棄之吾以弱年負荷

大任

荷下可翻

方賴二兄以寧家國縱其圖我我視死如歸

終不忍有此意也卿勿復言

復扶又翻下同

纂見紹於湛露堂

超執刀侍側目纂請收之紹弗許

為超終殺纂張本

超光弟寶

之子也弘密遣尚書姜紀謂纂曰主上闇弱未堪多難

難乃旦翻

兄威恩素著宜為社稷計不可徇小節也纂於是

夜帥壯士數百踰北城攻廣夏門弘帥東苑之衆谷洪

範門

王隱晉書曰涼州城東西三里南北七里本匈奴所築及張氏之世又增築四城箱各千步東城命

曰講武場北城命曰玄武園皆殖園果有宮殿廣左衛
夏門洪範門皆中城門也帥讀曰率夏戶雅翻

將軍齊從守融明觀

觀古玩翻

逆問之曰誰也衆曰太原公

從曰國有大故主上新立太原公行不由道夜入禁城

將為亂邪因抽劍直前斫纂中額

中竹仲翻

纂左右禽之纂

曰義士也勿殺紹遣虎賁中郎將呂開帥禁兵拒戰於

端門呂超帥卒二千赴之衆素憚纂皆不戰而潰纂入

自青角門升謙光殿

青角門蓋涼州中城之東門也謙光殿張駿所起自以專制河右而

世執臣節雖謙而先故以名殿

紹登紫閣自殺呂超奔廣武纂憚弘兵

彊以位讓弘弘曰弘以紹弟也而承大統衆心不順是以違先帝遺命而廢之慙負黃泉

杜預曰地中之泉故曰黃泉

今復

踰兄而立豈弘之本志乎纂乃使弘出告衆曰先帝臨

終受詔如此羣臣皆曰苟社稷有主誰敢違者纂遂即

天王位

纂字永緒光之庶長子也

大赦改元咸寧謚光曰懿武皇帝

廟號太祖謚紹曰隱王以弘為大都督督中外諸軍事

大司馬車騎大將軍司隸校尉錄尚書事改封番禾郡

公

番音盤

纂謂齊從曰卿前斫我一何甚也從泣曰隱王

先帝所立陛下雖應天順人而微心未達唯恐陛下不

死何謂甚也纂賞其忠善遇之纂叔父征東將軍方鎮

廣武纂遣使謂方曰

使疏吏翻

超實忠臣義勇可嘉但不識

國家大體權變之宜方賴其用以濟世難

難乃旦翻

可以此

意諭之超上疏陳謝纂復其爵位

為超殺纂張本

是歲燕主

盛以河間公熙為都督中外諸軍事尚書左僕射領中

領軍劉衛辰子文陳降魏

降戶江翻

魏主珪妻以宗女

妻七

細拜上將軍賜姓宿氏

魏內入諸姓有宿六斤氏改為宿氏蓋使文陳與之合族屬

四年春正月壬子朔燕主盛大赦自貶號為庶人天王

魏材官將軍和跋

漢置材官將軍領郡國材官士以出征師還則省晉魏以後置材官

將軍主工匠土木之事則漢右校令之任也

襲盧溥於遼西戊午克之

溥附燕見

上年禽溥及其子煥送平城車裂之燕主盛遣廣威將軍

孟廣平救溥不及斬魏遼西守宰而還 乙亥大赦

西秦王乾歸遷都苑川

乞伏氏本居苑川乾歸遷于金城今復都苑川

禿髮

利鹿孤大赦改元建和

高句麗王安事燕禮慢

句如字又

音駒麗力知翻

二月丙申燕王盛自將兵三萬襲之

將即亮翻

以驃

騎大將軍熙為前鋒拔新城南蘇二城開境七百餘里

徙五千餘戶而還

還從宣翻又如字

熙勇冠諸將盛曰叔父雄

果有世祖之風

慕容垂廟號世祖冠古玩翻下同

但弘略不如耳

初

魏主珪納劉頭眷之女寵冠後庭生子嗣及克中山

克

山見一百九卷隆安元年

獲燕主寶之幼女將立皇后用其國故事

鑄金人以卜之劉氏所鑄不成慕容氏成三月戊午立

慕容氏為皇后

北史曰魏故事將立皇后必令手鑄金人以成者為吉不則不得立也

桓玄既克荆雍

雍於用翻

表求領荆江二州詔以玄為都督

荊司雍秦梁益寧七州諸軍事荊州刺史以中護軍桓

脩為江州刺史玄上疏固求江州於是進玄督八州及

揚豫八郡諸軍事復領江州刺史

復扶又翻

玄輒以兄偉為

雍州刺史朝廷不能違又以從子振為淮南太守

玄既督八

州及揚豫八郡則西極岷嶓東盡歷陽蕪湖皆其統內矣漢晉淮南郡本治壽春成帝時祖約蘇峻為亂胡寇又屢至民南渡江者轉多乃於江南僑立淮南郡後又割丹陽之于湖為淮南境玄遣振守之是逼建康之漸

也從才用翻

涼王纂以大司馬弘功高地逼忌之弘亦自

疑遂以東苑之兵作亂攻纂纂遣其將焦辨擊之

將即亮翻

弘衆潰出走纂縱兵大掠悉以東苑婦女賞軍弘之妻
子亦在中纂笑謂羣臣曰今日之戰何如侍中房晷對
曰天禍涼室憂患仍臻先帝始崩隱王廢黜山陵甫訖
大司馬稱兵京師流血昆弟接刃雖弘自取夷滅亦由

陛下無常棣之恩

左傳富辰曰召穆公思周德之不類
糾合宗族於成周而作詩曰常棣之

華鄂不韡韡
今之人莫如兄弟其四章曰兄弟鬩
于牆外禦其侮如是則兄弟雖有小忿不廢懿親當

省已責躬以謝百姓

省恙
景翻

乃更縱兵大掠囚辱士女鸞

自弘起百姓何罪且弘妻陛下之弟婦弘女陛下之姪

也奈何使無賴小人辱為婢妾天地神明豈忍見此遂

歔歔流涕

歔音虛歔許既翻又音希

纂改容謝之召弘妻子寘於東

宮厚撫之弘將犇禿髮利鹿孤道過廣武詣呂方方見

之大哭曰天下甚寬汝何為至此乃執弘送獄纂遣力

士康龍就拉殺之

拉盧合翻

纂立妃楊氏為后以后父桓為

尚書左僕射涼都尹

涼都姑臧改武威太守為涼都尹

辛卯燕襄平

令段登等謀反誅

涼王纂將伐武威王利鹿孤中書

令楊穎諫曰利鹿孤上下用命國未有釁不可伐也不

從利鹿孤使其弟侮檀拒之

侮奴沃翻

夏四月侮檀敗涼兵

於三堆

三堆在浩疊河南敗補邁翻

斬首二千餘級

初隴西李嵩

好文學有令名

嵩古老翻好呼到翻

嘗與郭麐及同母弟敦煌宋

繇同宿

麐奴昆翻敦徒門翻

麐起謂繇曰君當位極人臣李君終

當有國家有騾馬生白額駒

騾馬牝馬也騾音課晉書作騾

此其時也

及孟敏為沙州刺史以嵩為效穀令

效穀縣自漢以來屬敦煌郡師古曰

本魚澤障也桑欽說孝武元封六年濟南崔不意為魚澤尉教力田以勤效得穀因立為縣名後周併入敦煌

縣宋繇事北涼王業為中散常侍

以中散大夫常侍左右也散悉亶翻

孟

敏卒敦煌護軍馮翊郭謙沙州治中敦煌索仙等

索昔各翻

以高溫毅有惠政推為敦煌太守

敦煌徒門翻

高初難之會宋

繇自張掖告歸謂高曰段王無遠略終必無成兄忘郭

磨之言邪白額駒今已生矣高乃從之遣使請命於業

使疏吏翻

業因以高為敦煌太守右衛將軍敦煌索嗣言於

業曰李高不可使處敦煌

索昔各翻處昌呂翻

業遂以嗣代高為

敦煌太守使帥五百騎之官

帥讀曰率

嗣未至二十里移高

迎已

未至敦煌讒二十里移書於高使迎已也

高驚疑將出迎之效穀令張

邈及宋繇止之曰段王闇弱正是英豪有為之日將軍據一國成資奈何拱手授人嗣自恃本郡謂人情附已不意將軍猝能拒之可一戰擒也嵩從之先遣繇見嗣

啗以甘言

啗徒敢翻又徒陷翻

繇還謂嵩曰嗣志驕兵弱易取也

易以政翻

嵩乃遣邈繇與其二子歆讓逆擊嗣嗣敗走還張

掖嵩素與嗣善尤恨之表業請誅嗣沮渠男成亦惡嗣

勸業除之業乃殺嗣

段業既失張掖又殺索嗣以自翦其羽翼所以終死於沮渠蒙遜之

手惡烏路翻

遣使謝嵩進嵩都督涼興以西諸軍事鎮西將

軍

段業分敦煌之涼興烏澤晉昌之宜禾為涼興郡至宇文氏併晉之廣至宜安淵泉合為涼興縣隋唐瓜

州之常樂縣即其地也

吐谷渾視羆卒世子樹洛干方九歲弟

烏紇堤立妻樹洛干之母念氏生慕瑱慕延

瑱古回翻

烏紇

堤懦弱荒淫不能治國

治直翻

念氏專制國事有膽智國

人畏服之

燕前將軍段璣太后段氏之兄子也為段

登辭所連及五月壬子逃奔遼西

為後段璣等弒盛張本盛懲蘭汗嚴刑以

繩下亦終於身死人手人而不仁疾之已甚亂也

丙寅衛將軍東亭獻侯王

珣卒

己巳魏主珪東如涿鹿西如馬邑觀灋源

灋源水翻

戊寅燕段璣復還歸罪

復扶又翻

燕王盛赦之賜號曰思

悔侯使尚公主入直內殿

謝琰以資望鎮會稽

資謂門地

成資望謂時望會工外翻

不能綏懷又不為武備諸將咸諫曰賊近

在海浦同人形便宜開其自新之路琰不從曰苻堅之

衆百萬尚送死淮南

琰與謝玄同破苻堅遂輕孫恩

孫恩小賊敗死入

海何能復出

復扶又翻下同

若其果出是天欲殺之也旣而恩

寇決口

決口今在明州定海縣虎蹲山外決即叶翻杜佑曰決口在明州鄞縣東北七十里

入餘

姚破上虞進及邢浦

晉書曰邢浦去山陰北三十五里

琰遣參軍劉宣

之擊破之恩退走少日復寇邢浦

少詩沼翻復扶又翻下同

官軍失

利恩乘勝徑進已郊至會稽琰尚未食曰要當先滅此

賊而後食因跨馬出戰兵敗為帳下都督張猛所殺吳

興太守庾桓恐郡民復應恩殺男女數千人恩轉寇臨

海朝廷大震遣冠軍將軍桓不才

冠古玩翻

輔國將軍孫無

終寧朔將軍高雅之拒之

秦征西大將軍隴西公碩

德將兵五千伐西秦

五千恐少當考

入自南安峽

南安峽在唐秦州隴城縣

界德將即亮翻

西秦王乾歸帥諸將拒之

帥讀曰率

軍于隴西楊

軌田玄明謀殺武威王利鹿孤利鹿孤殺之

隆安二年楊軌降利

鹿孤

六月庚辰朔日有食之

以琅邪王師何澄為尚

書左僕射

晉諸王置師友文學各一人初避景帝諱改師為傅後以桃廟不諱復為師

澄準

之子也

何準見一百卷穆帝升平元年

甲子燕大赦

涼王纂將襲

北涼姜紀諫曰盛夏農事方殷且宜息兵今遠出嶺西

自姑臧西北出張掖其間有大嶺度嶺而西西郡當其要

禿髮氏乘虛襲京師將若

之何不從進圍張掖西掠建康禿髮儁檀聞之將萬騎

襲姑臧纂弟隴西公緯憑北城以自固儁檀置酒朱明

門上鳴鐘鼓饗將士曜兵於青陽門

朱明門姑臧城南門也青陽門東門

也傳奴沃翻

掠八千餘戶而去纂聞之引兵還

秋七月士

子太皇太后李氏崩丁卯大赦

西秦王乾歸使武

衛將軍慕元等屯守秦軍樵采路絕秦王興潛引兵救

之乾歸聞之使慕元帥中軍二萬屯栢楊

水經註伯陽水出伯陽谷

在董亭東又東有伯陽城城南謂之伯陽川蓋李耳西入往逕所由故川原畝谷往往播其名後又訛為栢楊五代志天水郡秦嶺縣後魏置伯陽縣隋開皇中更名秦嶺唐併秦嶺入清水縣帥讀曰率下同

鎮軍

將軍羅敦帥外軍四萬屯侯辰谷乾歸自將輕騎數千

前候秦兵

將即亮翻騎奇寄翻下同

會大風昏霧與中軍相失為追

騎所逼入於外軍旦與秦戰大敗走歸苑川其部衆三

萬六千皆降於秦興進軍枹罕

降戶江翻枹音膚

乾歸奔金城

謂諸豪帥曰

帥所類翻

吾不才叨竊名號已踰一紀

孝武太元十三

年乾歸嗣國至是十三年

今敗散如此無以待敵欲西保允吾

允吾縣漢

屬金城郡晉志省劉昫曰唐鄯州龍支縣漢允吾縣允吾音鉉牙

若舉國而去必不得

免卿等留此各以其衆降秦以全宗族勿吾隨也皆曰

死生願從陛下乾歸曰吾今將寄食於人若天未亡我

庶幾異日克復舊業

幾居希翻

復與卿等相見今相隨而死

無益也乃大哭而別乾歸獨引數百騎奔允吾乞降於

武威王利鹿孤利鹿孤遣廣武公儁檀迎之置於晉興

張軌分西平界置晉興郡關駟曰允吾縣西四十里有小晉興城儁奴沃翻

待以上賓之禮

鎮北將軍禿髮俱延言於利鹿孤曰乾歸本吾之屬國

因亂自尊今勢窮歸命非其誠款若逃歸姚氏必為國

患不如徙置乙弗之間

乙弗亦鮮卑種居西北海史曰吐谷渾北有乙弗勿敵國國有

曲海海周圍千餘里種有萬落風俗與吐谷渾同北史又曰乙弗世為吐谷渾渠帥居青海號青海王使

不得去利鹿孤曰彼窮來歸我而逆疑其心何以勸來者俱延利鹿孤之弟也秦兵既退南羌梁戈等密招乾歸乾歸將應之其臣屋引阿洛以告晉興太守陰暢暢馳白利鹿孤利鹿孤遣其弟吐雷帥騎三千屯捫天嶺

捫天嶺在允吾東南

乾歸懼為利鹿孤所殺謂其太子熾磐曰

熾磐昌

志翻吾父子居此必不為利鹿孤所容今姚氏方強吾將

歸之若盡室俱行必為追騎所及吾以汝兄弟及汝母

為質

質音致

彼必不疑吾在長安彼終不敢害汝也乃送

熾磐等於西平八月乾歸南奔枹罕遂降於秦 丁亥

尚書右僕射王雅卒 九月癸丑地震 涼呂方降於

秦廣武民三千餘戶奔武威王利鹿孤

呂方鎮廣武既降於秦其民無

主故奔
禿髮氏

冬十一月高雅之與孫恩戰於餘姚雅之敗

走山陰死者什七八詔以劉牢之都督會稽等五郡帥

衆擊恩

會工外翻
帥讀曰率

恩走入海牢之東屯上虞使劉裕戍

句章

句章縣自漢以來屬會稽郡今
鄞縣以東定海昌國皆其地也

吳國內史袁崧築

滬瀆壘以備恩崧喬之孫也

袁崧當作袁山松滬瀆今
在平江府吳縣東陸龜蒙

叙矢魚之具云列竹於海濱曰滬是瀆以此得名吳都
記松江東瀉海名曰滬瀆輿地記曰滬業者瀆海捕魚
之名挿竹列於海中以繩編之向岸張兩翼潮上即沒
潮落即出魚隨海潮礙竹不得去名曰滬瀆范成大吳
郡志曰列竹於海濱曰滬吳之滬瀆是也自滬瀆泝松
江至吳郡將門將門今訛為匠門袁喬見九十七卷穆
帝永和二年

會稽世子元顯求領徐州詔以元顯為開

府儀同三司都督揚豫徐兗青幽冀并荆江司雍梁益

交廣十六州諸軍事領徐州刺史

雍於用翻

封其子彥璋為

東海王 乞伏乾歸至長安秦王興以為都督河南諸

軍事河州刺史歸義侯

此河南謂金城河之南

久之乞伏熾磐欲

逃詣乾歸武威王利鹿孤追獲之利鹿孤將殺熾磐廣

武公偁檀曰子而歸父無足深責宜宥之以示大度利

鹿孤從之

禿髮偁檀勸其兄宥熾磐而卒死於熾磐之手豈非養虎自遺患乎

秦王興

遣晉將劉嵩等二百餘人來歸

劉嵩等蓋因洛陽陷而沒於秦將即亮翻

北涼晉昌太守唐瑤叛移檄六郡

六郡蓋敦煌酒泉昌涼興建康祁連也

推李嵩為冠軍大將軍沙州刺史涼公領敦煌太守

嵩古

老翻冠古玩翻

嵩赦其境內改元庚子

北涼之地至此又分為西涼

以瑤為

征東將軍郭謙為軍諮祭酒索仙為左長史

索昔各翻張邈

為右長史尹建興為左司馬張體順為右司馬遣從事

中郎宋繇東伐涼興并擊玉門已西諸城皆下之酒泉

太守王德亦叛北涼自稱河州刺史北涼王業使沮渠

蒙遜討之德焚城將部曲奔唐瑤蒙遜追至沙頭大破

之

沙頭縣本屬酒泉郡惠帝分屬晉昌郡沮子余翻將子亮翻

虜其妻子部落而還

還從宣翻又如字

十二月戊寅有星孛于天津

天文志天津九星橫河中

一曰天漢一曰天江主四瀆津梁所以度神通四方也孛蒲內翻

會稽世子元顯以星

變解錄尚書事

會工外翻

復加尚書令

復扶又翻

吏部尚書車胤

以元顯驕恣

車尺遮翻

白會稽王道子請禁抑之元顯聞而

未察以問道子曰車武子屏人言及何事

車盾字武子屏必鄂翻

道子弗答固問之道子怒曰爾欲幽我不令我與朝士

語邪

朝直達翻

元顯出謂其徒曰車盾間我父子密遣人責

之盾懼自殺

間古覓翻

壬辰燕主盛立燕臺統諸部雜夷

二趙以來皆立單于臺以統雜夷盛仍此立之

魏太史屢奏天文乖亂魏主

珪自覽占書多云改王易政乃下詔風勵羣下以帝王

繼統皆有天命不可妄干

風讀日諷

又數變易官名欲以厭

塞災異

數所角翻厥於
葉翻塞志側翻

儀曹郎董謐獻服餌仙經珪置

仙人博士立仙坊煮鍊百藥封西山以供薪蒸

西山平城

也毛晃曰麓
曰薪細曰蒸

藥成令死罪者試服之多死不驗而珪猶

信之訪求不已珪常以燕主垂諸子分據勢要使權柄

下移遂至敗亡深非之博士公孫表希旨上韓非書

上時

掌勸珪以法制御下左將軍李粟性簡慢

粟或作栗

常對珪

舒放不肅咳唾任情

咳口慨翻

珪積其宿過遂誅之羣下震

栗

史言魏主珪
悖暴于治

丁酉燕王盛尊獻莊后丁氏為皇太

后立遼西公定為皇太子大赦 是歲南燕王德即皇

帝位于廣固

德字玄明 號之少子也

大赦改元建平更名備德

工更

衡欲使吏民易避

易以

追諡燕主暉曰幽皇帝以北地

王鍾為司徒慕輿拔為司空封孚為左僕射慕輿護為
右僕射立妃段氏為皇后

資治通鑑卷一百十一

欽定四庫全書

資治通鑑卷一百十二

宋司馬光撰

胡三省音注

晉紀三十四

起重光赤奮若盡玄
默攝提格凡二年

安皇帝下

隆安五年春正月武威王利鹿孤欲稱帝羣臣皆勸之

安國將軍銡勿崙曰

安國將軍漢獻帝以授張
楊銡託侯翻崙盧昆翻

吾國自

上世以來被髮左衽

義翻被皮

無冠帶之飾逐水草遷徙無

城郭室廬故能雄視沙漠抗衡中夏

雅翻夏戶

今舉大號誠

順民心然建都立邑難以避患儲蓄倉庫啟敵人心不

如處晉民於城郭勸課農桑以供資儲帥國人以習戰

射鄰國弱則乘之強則避之此久長之良策也

自漢以來善為

夷狄謀者莫過此策矣
處昌呂翻帥讀曰率

且虛名無實徒足為世之質的

將安用之

質受芥的受矢按詩發彼有的毛傳云的質也正義曰毛氏於射侯之事正鵠不明惟猗

嗟傳云二尺曰正亦不言正之所施周禮鄭眾馬融注皆云十尺曰侯四尺曰鵠二尺曰正四寸曰質則以為

侯皆一丈鵠及正質於一侯之中為此等級則以質為四寸也王肅引爾雅云射張皮謂之侯侯中謂之鵠鵠中謂之正正方二尺正中謂之鵠鵠方六寸鵠則質也舊云方四寸今云方六寸爾雅說明宜從之肅意惟改質為六寸餘同鄭馬賈逵周禮注云四尺曰正正五重鵠居其內而方二尺以為正正大於鵠鵠在正內雖內外不同亦共在一侯鄭於周禮上下檢之以為大射之侯其中制皮為鵠賓射之侯其中采畫為正正大如鵠皆居侯中三分之一其燕射則射獸侯侯中畫為獸形即鄉射記所謂熊侯白質之類射義云孔子曰循聲而發發而不失正鵠者其惟賢者乎詩云發彼有的以祈爾爵既言正鵠即引此的則詩人之意以為正鵠之謂也司裘注說皮侯之狀云以虎熊豹麋之皮飾其側又方制之以為質謂之鵠是鄭意以侯中所射之處為質也此毛傳利鹿孤曰安國之言是也乃更稱河西王

更工衡翻王武威則一郡而已王河西以廣武公傳檀為則欲兼漢四郡之地此利鹿孤之志也

都督中外諸軍事涼州牧錄尚書事傳奴沃翻二月丙子

孫思出浹口浹即叶翻攻句章不能拔劉牢之擊之恩復走

入海復扶又翻秦王興使乞伏乾歸還鎮苑川盡以其故

部衆配之為乞伏氏復強張本涼王纂嗜酒好獵好呼到翻太常楊

穎諫曰陛下應天受命當以道守之今疆宇日蹙崎嶇

二嶺之間姑臧南有洪池嶺西有丹嶺一作剛丹嶺陛下不兢兢夕惕以恢

弘先業而沈湎遊畋沈持林翻不以國家為事臣竊危之纂

遜辭謝之然猶不悅番禾太守呂超擅擊鮮卑思盤番

縣漢屬張掖郡後漢晉省番音盤此郡蓋呂氏置劉思

駒曰唐涼州天寶縣漢番禾縣地悅七緣翻番音盤

盤遣其弟乞珍訴於纂纂命超及思盤皆入朝

朝直遙翻

超懼至姑臧深自結於殿中監杜尚纂見超責之曰卿恃

兄弟桓桓

孔安國曰桓桓武貌

乃敢欺吾

今人謂相陵為相欺

要當斬卿天

下乃定超頓首謝纂本以恐喝超

喝許葛翻

實無意殺之因

引超思盤及羣臣同宴於內殿超兄中領軍隆數勸纂

酒數所纂醉乘步輓車

步輓車不用牛馬若羊等令人步而輓之魏書禮志步輓車天

子小駕亦為副乘

將超等游禁中

將如至

琨華堂東閤車不得

過纂親將寶川駱騰倚劔於壁推車過閤

將即亮翻推吐雷翻

超

取劔擊纂纂下車禽超超刺纂洞胃

刺七亦翻

川騰與超格

戰超殺之纂后楊氏命禁兵討超杜尚止之

超之結尚也蓋有密

約皆捨仗不戰將軍魏益多入取纂首楊氏曰人已死

如土石無所復知何忍復殘其形骸乎

復扶又翻

益多罵之

遂取纂首以徇曰纂違先帝之命殺太子而自立

事見上卷

三荒淫暴虐番禾太守超順人心而除之以安宗廟凡

我士庶同茲休慶纂叔父巴西公佗佗徒河翻弟隴西公緯

皆在北城

緯于貴翻

或說緯曰超為逆亂公以介弟之親

杜預

曰介大也說

輸芮翻下同

仗大義而討之姜紀焦辨在南城楊桓田

誠在東苑皆吾黨也何患不濟緯嚴兵欲與佗共擊超

佗妻梁氏止之曰緯超俱兄弟之子何為舍超助緯自

為禍首乎

舍讀曰捨

佗乃謂緯曰超舉事已成據武庫擁精

兵圖之甚難且吾老矣無能為也超弟邈有寵於緯說

緯曰纂賊殺兄弟

謂殺紹又殺弘也說輸芮翻

隆超順人心而討之

正欲尊立明公耳方今明公先帝之長子當主社稷人

無異望夫復何疑

長知兩翻復扶又翻

緯信之乃與隆超結盟單

馬入城超執而殺之讓位於隆隆有難色超曰今如乘

龍上天豈可中下隆遂即天王位

隆字永基光弟寶之子也

大赦改

元神鼎

超先於番未得小鼎以為神瑞故以紀元

尊母衛氏為太后妻楊氏

為后以超為都督中外諸軍事輔國大將軍錄尚書事

封安定公謚纂曰靈帝纂后楊氏將出宮超恐其挾珍

寶命索之

索山客翻

楊氏曰爾兄弟不義手刃相屠我旦夕

死人安用寶為超又問王璽所在

璽斯氏翻

楊氏曰已毀之

矣后有美色超將納之謂其父右僕射桓曰后若自殺

禍及卿宗桓以告楊氏楊氏曰大人賣女與氏以圖富

貴一之謂甚其可再乎

引左傳之言

遂自殺謚曰穆后桓犇

河西王利鹿孤利鹿孤以為左司馬 三月孫恩北趣

海鹽

海鹽縣本武原鄉秦以為海鹽縣漢屬會稽郡後漢晉屬吳郡今在秀州東南八十里趣七喻翻

劉裕隨而拒之築城於海鹽故治恩日來攻城裕屢擊

破之斬其將姚盛城中兵少不敵

將即亮翻少詩沼翻

裕夜偃旗

匿衆明晨開門使羸疾數人登城

羸倫為翻

賊遙問劉裕所

在曰夜已走矣賊信之爭入城裕奮擊大破之恩知城

不可拔乃進向淩瀆裕復棄城追之

淩音戶復扶又翻

海鹽令

鮑陋遣子嗣之帥吳兵一千請為前驅

帥讀曰率

裕曰賊兵

甚精吳人不習戰若前驅失利必敗我軍

敗補遇翻

可在後

為聲執嗣之不從裕乃多伏旗鼓前驅既交諸伏皆出

裕舉旗鳴鼓賊以為四面有軍乃退嗣之追之戰沒裕

且戰且退所領死傷且盡至向戰處令左右脫取死人

衣以示閒暇

閒讀曰開

賊疑之不敢逼裕大呼更戰

呼火賊故翻

懼而退裕乃引歸

河西王利鹿孤伐涼與涼王隆戰

大破之徙二千餘戶而歸

夏四月辛卯魏人罷鄴行

臺

魏置鄴行臺見一百一十卷隆安二年

以所統六郡置相州以庾岳為

刺史

魏相州統魏郡陽平廣平汲郡頓丘清河六郡杜佑曰後魏置相州於鄴取河亶甲居相以名州

乞伏乾歸至苑川以邊芮為長史王松壽為司馬公

卿將帥皆降為僚佐偏裨

將即亮翻帥所類翻

北涼王業憚沮

渠蒙遜勇略欲遠之

沮子余翻遠于願翻

蒙遜亦深自晦匿業以

門下侍郎馬權代蒙遜為張掖太守

守式又翻

權素豪雋為

業所親重常輕侮蒙遜蒙遜譖之於業曰天下不足慮

惟當憂馬權耳業遂殺權

以余觀之索嗣馬權皆庸夫耳恃倚世資而使氣無能為

也蒙遜謂沮渠男成曰段公無鑒斷之才

鑒明也斷決也斷丁亂翻

非撥亂之主鄉所憚者惟索嗣馬權今皆已死

索嗣死見上卷

四年蒙遜欲除之以奉兄何如男成曰業本孤客為吾家

所立恃吾兄弟猶魚之有水夫人親信我而圖之不祥

蒙遜乃求為西安太守業喜其出外許之蒙遜與男成

約同祭蘭門山而陰使司馬許咸告業曰男成欲以取

假日為亂

假居訝翻
休假也

若求祭蘭門山臣言驗矣至期果

然業收男成賜死男成曰蒙遜先與臣謀反臣以兄弟
之故隱而不言今以臣在恐部衆不從故約臣祭山而
反誣臣其意欲王之殺臣也乞詐言臣死暴臣罪惡蒙
遜必反臣然後奉王命而討之無不克矣業不聽殺之
蒙遜泣告衆曰男成忠於段王而段王無故枉殺之諸
君能為報仇乎為于偽翻且始者共立段王欲以安衆耳今

州土紛亂非段王所能濟也男成素得衆心衆皆憤泣

爭奮比至氐池

氐池縣漢屬張掖郡晉省其地屬唐甘肅張掖縣界比必寐翻及也氐丁尼翻

又音低

衆逾一萬鎮軍將軍臧莫孩率所部降之

孩河開翻降戶

江翻下同

羌胡多起兵應蒙遜者蒙遜進逼侯塢業先疑右

將軍田昂囚之至是召昂謝而赦之使與武衛將軍梁

中庸共討蒙遜別將王豐孫言於業曰

將即亮翻

西平諸田

世有反者昂貌恭而心險不可信也業曰吾疑之久矣

但非昂無可以討蒙遜者昂至侯塢率騎五百降於蒙

遜業軍遂潰中庸亦詣蒙遜降

危疑反側之時用言為難而用人為尤難當此

之際非有明略雄斷不能濟也

五月蒙遜至張掖田昂兄子承愛斬關

內之業左右皆散蒙遜至業謂蒙遜曰孤子然一已為

君家所推願勾餘命

勾古泰翻乞也

使得東還與妻子相見蒙

遜斬之

北涼殺業四年而亡

業儒素長者

長知兩翻

無他權略威禁不

行羣下擅命尤信卜筮巫覡

覡它狄翻

故至於敗沮渠男成

之弟富占將軍俱僕帥戶五百降于河西王利鹿孤僕

石子之子也

僕倫追翻俱石子見一百六卷孝武太元十年帥讀曰率下同

孫恩陷

滄瀆殺吳國內史袁崧死者四千人

崧當作山松

涼王隆

多殺豪望以立威名內外囂然人不自保魏安人焦朗

魏安縣在武威昌松縣界蓋曹魏所置也而晉志不見後魏置魏安郡

遣使說秦隴西公

碩德曰呂氏自武皇棄世

呂光偽謚懿武皇帝說翰為翻

兄弟相攻政

綱不立競為威虐百姓饑饉死者過半今乘其篡奪之

際取之易於返掌

易以鼓翻返當作反

不可失也碩德言於秦王

興帥步騎六萬伐涼乞伏乾歸帥騎七千從之六月

甲戌孫恩浮海奄至丹徒

丹徒縣古朱方也後曰谷陽秦改曰丹徒漢屬會稽郡後

漢屬吳郡晉屬晉陵郡地理志曰秦時望氣者云其地有天子氣始皇使赭衣三千人鑿城敗其勢改曰丹徒

戰士十餘萬樓船千餘艘

艘蘇連翻

建康震駭乙亥内外戒

嚴百官入居省内冠軍將軍高素等守石頭

冠古玩翻輔國

將軍劉襲柵斷淮口

秦淮入江之口也斷丁管翻

丹陽尹司馬恢之

戍南岸冠軍將軍桓謙等備白石左衛將軍王嘏等屯

中堂徵豫州刺史譙王尚之入衛京師劉牢之自山陰

引兵邀擊恩未至而恩已過乃使劉裕自海鹽入援裕

兵不滿千人倍道兼行與恩俱至丹徒裕衆既少

少詩沼翻

加以涉遠疲勞而丹徒守軍莫有鬪志恩帥衆鼓譟登

蒜山

蒜山今在鎮江府城西三里山上多蒜故名蒜蘇貫翻

居民皆荷擔而立荷

可翻擔都濫翻

裕帥所領奔擊大破之

帥讀曰率下同

投崖赴水者甚

衆思狼狽僅得還船然恩猶恃其衆尋復整兵徑向京

師

復扶又翻下同

後將軍元顯帥兵拒戰頻不利會稽王道子

無他謀略唯日禱蔣侯廟

蔣侯廟在蔣山在今建康府上元縣東北十八里漢末秣

陵尉蔣子文討賊戰死山下吳孫權為立廟江東朝野禱之率有靈應

恩來漸近百姓怙

懼

怙許拱翻

譙王尚之帥精銳馳至徑屯積弩堂恩樓船高

大沛風不得疾行數日乃至白石恩本以諸軍分散欲

掩不備既而知尚之在建康復聞劉牢之已還至新洲

新洲在京口西大江中意即今之珠金沙是也復扶又翻不敢進而去浮海北走郁

洲水經註曰東海胸縣東北海中有大洲謂之郁洲山海經所謂郁山在海中者也恩別將攻

陷廣陵殺三千人寧朔將軍高雅之擊恩於郁洲為恩

所執寧朔將軍蓋晉置桓玄厲兵訓卒常伺朝廷之隙伺相聞吏翻

孫恩逼京師建牙聚衆上疏請討之元顯大懼會恩退

元顯以詔書止之玄乃戒嚴梁中庸等共推沮渠蒙

遜為大都督大將軍涼州牧張掖公赦其境內改元永

安蒙遜署從兄伏奴為張掖太守和平侯弟挈為建忠

將軍都谷侯

從才用翻
挈女余翻

田昂為西郡太守臧莫孩為輔

國將軍房晷梁中庸為左右長史張隲謝正禮為左右

司馬

隲之
目翻

擢任賢才文武咸悅

河西王利鹿孤命羣

臣極言得失西曹從事史嵩曰

嵩古
老翻

陛下命將出征

將
即

亮翻
下同

往無不捷然不以綏寧為先唯以徙民為務民安

土重遷故多離叛此所以斬將拔城而地不加廣也利

鹿孤善之

秋七月魏兖州刺史長孫肥

魏未得兖州也使肥以充

州刺史南略地耳

將步騎二萬南徇許昌東至彭城將軍劉該

降之

將步即亮翻騎奇寄翻降戶江翻下同

秦隴西公碩德自金城濟

河直趣廣武河西王利鹿孤攝廣武守軍以避之

趣七喻翻

攝收也

秦軍至姑臧涼王隆遣輔國大將軍超龍驤將軍

邈等逆戰

驍思將翻

碩德大破之生禽邈俘斬萬計隆嬰城

固守巴西公佗帥東苑之衆二萬五千降於秦

帥讀日率

西

涼公暕河西王利鹿孤沮渠蒙遜各遣使奉表入貢於

秦

葛古老翻使疏吏翻沮子余翻

初涼將姜紀降於河西王利鹿孤廣

武公僇檀與論兵略甚愛重之

傳奴沃翻

坐則連席出則同

車每談論以夜繼晝利鹿孤謂僇檀曰姜紀信有美才

然視候非常必不久留於此不如殺之紀若入秦必為

人患僇檀曰臣以布衣之交待紀紀必不相負也八月

紀將數十騎奔秦軍

禿髮兄弟皆推僇檀之明略余究觀僇檀始末未敢許也又究觀姜

紀自涼入秦始末則紀蓋反覆詭譎之士而僇檀愛重之則僇檀蓋以才辨為諸兄所重而智略不能濟此其

所以亡國也

說碩德曰呂隆孤城無援明公以大軍臨之其

勢必請降然彼徒文降而已未肯遂服也請給紀步騎

三千與王松忽因焦朗華純之衆

王松忽秦將也焦朗華純皆涼人說翰蒞

翻華戶
化翻

伺其釁隙隆不足取也不然今禿髮在南兵彊

國富若無姑臧而據之威執益盛沮渠蒙遜李暠不能

抗也必將歸之如此則為國家之大敵矣碩德乃表紀

為武威太守配兵二千屯據晏然

班固地理志武威休屠縣王莽改曰晏然

後復曰休屠永寧中張軌於姑臧西北置武興郡晏然縣屬焉

秦王興聞楊桓之賢而

徵之利鹿孤不敢留

史言諸涼畏秦之強

詔以劉裕為下邳太

守討孫恩於郁洲累戰大破之恩由是衰弱復緣海南

走

復扶又翻

裕亦隨而邀擊之

燕王盛懲其父寶以懦弱

失國務峻威刑又自矜聰察多所猜忌羣臣有纖介之

嫌皆先事誅之

先悉薦翻

由是宗親勲舊人不自保丁亥左

將軍慕容國與殿上將軍秦興段讚謀帥禁兵襲盛殿上

將軍蓋慕容所置緣晉之殿中將軍而名官也帥讀曰率

事發死者五百餘人壬辰

夜前將軍段璣與秦興之子興段讚之子秦潛於禁中

鼓譟大呼

呼火故翻

盛聞變帥左右出戰

帥讀曰率

賊衆逃潰璣

被創

創初良翻

匿廂屋間俄有一賊從閣中擊盛盛被傷輦

升前殿申約禁衛事定而卒

年二十九慕容盛臨變而整此其雄略亦有過人者

然以猜忌好殺致斃則天下之人固非一人可舞其智略而盡殺也

中壘將軍慕容拔冗

從僕射郭仲白太后丁氏以為國家多難宜立長君

兄

隴翻從才用翻難乃旦翻長知兩翻

時衆望在盛弟司徒尚書令平原公

元而河間公熙素得幸於丁氏丁氏乃廢太子定密迎

熙入宮明旦羣臣入朝

朝直遙翻

始知有變因上表勸進於

熙熙以讓元元不敢當癸巳熙即天王位

熙字道文垂之少子也

捕獲段熲等皆夷三族甲午大赦丙申平原公元以嫌
賜死閏月辛酉葬盛於興平陵謚曰昭武皇帝廟號中
宗丁氏送葬未還中領軍慕容提步軍校尉張佛等謀
立故太子定事覺伏誅定亦賜死

燕立定為太子
見上卷四年

丙寅

大赦改元光始 秦隴西公碩德圍姑臧累月東方之

人在城中者多謀外叛魏益多復誘扇之

復扶又翻
下同欲

殺涼王隆及安定公超事發坐死者三百餘家碩德撫

納夷夏分置守宰

夏戶雅翻
守式又翻

節食聚粟為持久之計涼

之羣臣請與秦連和隆不許安定公超曰今資儲內竭

上下嗷嗷雖使張陳復生亦無以為策

張良陳平智謀之士故稱之

陛下當思權變屈伸何愛尺書單使為卑辭以退敵

使疏

更敵去之後修德政以息民若卜世未窮何憂舊業之

不復

周成王定鼎于郊鄒卜世三十卜年七百

若天命去矣亦可以保全宗

族不然坐守困窮終將何如隆乃從之九月遣使請降

於秦

降戶江翻下同姚碩德代呂隆同時魏書天興五年五月姚平來

考異曰姚興載記姚平伐魏與

侵晉元興元年秦弘始四年也晉帝紀晉春秋皆云隆安五年降秦十六國西秦春秋云太初十四年五月乾

歸隨姚碩德伐涼南涼春秋云建和二年七月姚碩德
伐呂隆孤攝廣武守軍以避之皆隆安五年也按秦小
國既與魏相持豈暇更興兵伐涼蓋載記之誤也碩德
今以晉帝紀晉春秋十六國西秦南涼春秋為據

表隆為鎮西大將軍涼州刺史建康公隆遣子弟及文

武舊臣慕容筑楊穎等五十餘家入質于長安

慕容筑燕宗室

也苻堅滅燕其宗室悉補邊郡故筑留河西筑張六翻質音致下為質同

碩德軍令嚴整秋

毫不犯祭先賢禮名士西土悅之沮渠蒙遜所部酒泉

涼寧二郡叛降於西涼

酒泉郡治福祿縣魏收地形志涼寧郡領園池貢澤二縣

聞呂隆降秦大懼遣其弟建忠將軍挈牧府長史張潛

蒙遜自稱涼州牧置牧府長史挈女居翻

見碩德於姑臧請帥其衆東遷

帥讀

曰碩德喜拜潛張掖太守挈建康太守潛勸蒙遜東遷

挈私謂蒙遜曰姑臧未拔呂氏猶存碩德糧盡將還不

能久也何為自棄土宇受制於人乎臧莫孩亦以為然

孩何開翻

蒙遜遣子奚念為質於河西王利鹿孤

蒙遜既不東遷故為

質於利鹿孤以求援

利鹿孤不受曰奚念年少可遣挈也

少詩冬

十月蒙遜復遣使上疏於利鹿孤曰臣前遣奚念具披

誠款而聖旨未昭復徵弟挈

復扶又翻

臣竊以為苟有誠信

則子不為輕若其不信則弟不為重今寇難未夷

難乃旦翻

不獲奉詔願陛下亮之利鹿孤怒遣張松侯俱延興城

侯文支將騎一萬襲蒙遜至萬歲臨松

晉書地理志酒泉郡有延壽縣

當是後改為萬歲張天錫置臨松郡五代志曰臨松縣有臨松山後周省入張掖縣宋白曰隋煬帝併萬歲入

刑丹縣屬張掖郡將即亮翻騎奇寄翻

執蒙遜從弟鄯善苟子

從才用翻下同鄯時

戰翻康曰鄯善複姓其先西域人以國為姓苟子其名余據紀文以鄯善苟子為蒙遜從弟則鄯善非姓也明

矣虜其民六千餘戶蒙遜從叔孔遮入朝于利鹿孤

直朝

遙許以挈為質利鹿孤乃歸其所掠召俱延等還文支

利鹿孤之弟也

南燕主備德宴羣臣於延賢堂

備德本名

德既據齊地增上一字名備德

酒酣謂羣臣曰朕可方自古何等主青

州刺史鞠仲曰陛下中興聖主少康光武之儔

少詩備照翻

德顧左右賜仲帛千疋仲以所賜多辭之備德曰卿知

調朕朕不知調卿邪

調徒了翻又如字調戲也

卿所對非實故朕亦

以虛言賞卿耳韓範進曰天子無戲言今日之論君臣

俱失備德大悅賜範絹五十匹備德母及兄納皆在長

安備德遣平原人杜弘往訪之弘曰臣至長安若不奉

太后動止當西如張掖

德仕秦為張掖太守其兄納因家于張掖故弘欲往張掖訪之

以死為効臣父雄年踰六十乞本縣之祿以申烏鳥之

情

慈烏反哺故云然李密陳情表曰烏鳥私情願乞終養

中書令張華曰杜弘未

行而求祿要君之罪大矣

要音邀

備德曰弘為君迎母為

父求祿

偽為于翻

忠孝備矣何罪之有以雄為平原令弘至

張掖為盜所殺

十一月劉裕追孫恩至滬瀆海鹽又

破之

滬音尾

俘斬以萬數恩遂自決口遠竄入海

決音接

十二月辛亥魏主珪遣常山王遵定陵公和跋帥眾五

萬襲沒奔于於高平

高平漢屬安定魏收志屬涇州新平郡又原州有高平郡酈道元云

高平川西南去安定三百四十里帥讀曰率

乙邠魏虎威將軍宿沓干伐

燕攻令支

令音鈴又郎定翻支音祁又音祇

乙丑燕中領軍宇文拔救

之壬午宿沓干拔令支而戍之

呂超攻姜紀不克遂

攻焦朗

姜紀時據晏然焦朗據魏安

朗遣其弟子嵩為質於河西王

利鹿孤以請迎利鹿孤遣車騎將軍儁檀赴之比至超

已退

質音致比必寐翻

朗閉門拒之儁檀怒將攻之鎮北將軍

俱延諫曰安土重遷人之常情朗孤城無食今年不降

降戶後年自服何必多殺士卒以攻之若其不捷彼必

去從他國棄州境士民以資鄰敵非計也不如以善言

諭之傳檀乃與朗連和遂曜兵姑臧壁於胡阮

胡阮在姑臧西

傳檀知呂超必來斫營畜火以待之超夜遣中壘將軍

王集帥精兵二千斫傳檀營

帥讀曰率下同

傳檀徐嚴不起集

入壘中內外皆舉火光照如晝縱兵擊之斬集及甲首

三百餘級呂隆懼偽與傳檀通好

好呼到翻

請於苑內結盟

傳檀遣俱延入盟俱延疑其有伏毀苑牆而入超伏兵

擊之俱延失馬步走凌江將軍郭祖力戰拒之俱延乃

得免僣檀怒攻其昌松太守孟禕於顯美

昌松顯美漢晉皆為縣屬

武威郡呂光改昌松為東張掖郡尋復為昌松郡五代志後周廢顯美入姑臧禕許韋翻隆遣廣武

將軍荀安國寧遠將軍石可帥騎五百救之安國等憚

僣檀之彊遁還桓玄表其兄偉為江州刺史鎮夏口

夏戶雅翻司馬刁暢為輔國將軍督八郡軍事鎮襄陽遣其

將皇甫敷馮該戍湓口移沮漳蠻二千戶於江南

左傳曰江

漢沮漳楚之望也水經沮水出漢中房陵東南過臨沮界又東過枝江縣南入于江漳水出臨沮縣東荆山南

至枝江縣北入于沮二水上下皆蠻所居也沮于余翻漳諸良翻

立武寧郡更招集流

民立綏安郡

綏安郡治長寧縣隋省長寧入長林

詔徵廣州刺史刁達豫

章太守郭昶之

昶丑兩翻

玄皆留不遣玄自謂有晉國三分

之二數使人上已符瑞

數所角翻上時掌翻

欲以惑衆又致牋於

會稽王道子曰賊造近郊以風不得進以雨不致火食

盡故去耳非力屈也

會工外翻造七到翻謂孫恩也

昔國寶死後王恭

不乘此威入統朝政

朝直遙翻下在朝同

足見其心非侮於明公

也而謂之不忠今之貴要腹心有時流清望者誰乎豈

可云無佳勝真是不能信之耳

江東人士其名位通顯於時者率謂之佳勝名

勝

爾來一朝一夕遂成今日之禍

爾來猶言如此以來也

在朝君

子皆畏禍不言玄忝任在遠是以披寫事實元顯見之

大懼張法順謂元顯曰桓玄承藉世資素有豪氣既并

殷楊專有荆楚

殷楊謂殷仲堪楊佺期也并殷楊事見上卷隆安三年

第下之所

控引止三吳耳

第府第也第下猶言門下閣下之類

孫恩為亂東土塗地

公私困竭玄必乘此縱其姦兇竊用憂之元顯曰為之

奈何法順曰玄始得荊州人情未附方務綏撫未暇佗

圖若乘此際使劉牢之為前鋒而第下以大軍繼進玄可取也元顯以為然會武昌太守庾楷以玄與朝廷構怨恐事不成禍及於己

庾楷歸桓玄見一百十卷隆安二年

密使人自結

於元顯云玄大夫人情衆不為用若朝廷遣軍已當為內應元顯大喜遣張法順至京口謀於劉牢之牢之以為難法順還謂元顯曰觀牢之言色必貳於我不如召入殺之不爾敗人大事

敗必逆翻

元顯不從於是大治水軍

徵兵裝艦以謀討玄

治直之翻艦戶照翻

元興元年春正月庚午朔

是年三月元顯敗復隆安年號桓玄尋改曰大亨玄篡又

改曰永始元興之元改於是年正月通鑑自是年迄義熙初元皆不改元興之元不與桓玄之篡撥亂世返之

正也下詔罪狀桓玄以尚書令元顯為驃騎大將軍征討

大都督都督十八州諸軍事加黃鉞

時晉之境內有揚徐南徐兗南兗豫

南豫青冀司荆江雍梁益寧交廣十八州而已元顯盡督之使其果能誅桓玄亦必凌上而篡奪之驃匹妙翻

寄奇又以鎮北將軍劉牢之為前鋒都督前將軍譙王

尚之為後部因大赦改元內外戒嚴加會稽王道子太

傅

會工外翻

元顯欲盡誅諸桓中護軍桓脩驃騎長史王誕

之甥也誕有寵於元顯因陳脩等與玄志趣不同元顯乃止誕導之曾孫也張灋順言於元顯曰桓謙兄弟每為上流耳目宜斬之以杜姦謀且事之濟不繫在前軍

不讀曰否

而牢之反覆萬一有變則禍敗立至可令牢之殺

謙兄弟以示無貳心若不受命當逆為之所

逆為之所及禍患未

來而先為之圖欲殺牢之也

元顯曰今非牢之無以敵玄且始事而

誅大將

將即亮翻

人情不安再三不可

法順與元顯言之再三終以為不可也

又以桓氏世為荆土所附桓冲特有遺惠而謙冲之子

也乃自驃騎司馬除都督荆益寧梁四州諸軍事荊州刺史欲以結西人之心 丁丑燕慕容拔攻魏令支戌

克之宿沓干走執魏遼西太守那頡

那諾何翻姓也魏書官氏志內入諸

姓有那氏頡胡結翻

燕以拔為幽州刺史鎮令支以中堅將軍遼

西陽豪為本郡太守丁亥以章武公淵為尚書令博陵公虔為尚書左僕射尚書王騰為右僕射 戊子魏材官將軍和突攻黠弗素古延等諸部破之初魏主珪遣北部大人賀狄干獻馬千匹求昏於秦秦王興聞珪已

立慕容后

立慕容后事見上卷隆安四年

止狄干而絕其昏沒弈干黜

弗素古延皆秦之屬國也而魏攻之由是秦魏有隙庚

寅珪大閱士馬命并州諸郡積穀於平陽之乾壁以備

秦

魏收地形志平陽禽昌縣漢晉之北屈也有乾城隋并禽昌入襄陵又據姚興載記乾壁即乾城

柔

然社崙方睦於秦遣將救黜弗素古延

崙盧昆翻將即亮翻

辛卯

和突逆擊大破之社崙帥其部落遠遁漠北奪高車之

地而居之

帥讀曰牽

斛律部帥倍侯利擊社崙大為所敗

帥所

類翻敗補邁翻

倍侯利奔魏社崙於是西北擊匈奴遺種日拔

也雞大破之

種章勇翻

遂吞併諸部士馬繁盛雄於北方其

地西至焉耆東接朝鮮

朝音潮鮮音仙

南臨大漠旁側小國皆

羈屬焉自號豆代可汗

魏收書作丘豆代魏言駕馭開張也汗音寒社佑曰可汗之號

起於柔然社崙猶言皇帝也而拓拔氏

始立約束以千

人為軍軍有將百人為幢幢有帥

軍將幢帥皆魏制社崙蓋效而立之將即

亮翻幢宅江翻帥所類翻

攻戰先登者賜以虜獲畏懦者以石擊其

首而殺之

柔然為魏患自此始

秃髮俥檀克顯美執孟禕而責

之以其不早降

秃髮俥檀自去年攻顯美至是乃克

禕曰禕受呂氏厚恩

分符守土若明公大軍甫至望旗歸附恐獲罪於執事

矣傳檀釋而禮之徙二千餘戶而歸以禕為左司馬禕

辭曰呂氏將亡聖朝必取河右

朝直遙翻

人無愚智皆知之

但禕為人守城不能全復忝顯任於心竊所未安

偽翻為于

後扶又翻

若蒙明公之惠使得就戮姑臧死且不朽傳檀義

而歸之東土遭孫恩之亂因以饑饉漕運不繼桓玄

禁斷江路

斷讀日短

公私匱乏以糗橡給士卒

糗房尤翻博雅曰糗糗蔬

餼也又曰糗也又稱穀皮也音同橡似兩翻說文曰相實也

玄謂朝廷方多憂虞必

未暇討已可以蓄力觀釁及大軍將發從兄太傅長史

石生密以書報之

從才用翻

玄大驚欲完聚保江陵長史卞

範之曰明公英威振於遠近元顯口尚乳臭劉牢之大

失物情若兵臨近畿示以禍福土崩之勢可翹足而待

何有延敵入境自取窮蹙者乎玄從之留桓偉守江陵

抗表傳檄罪狀元顯舉兵東下檄至元顯大懼二月丙

午帝餞元顯於西池元顯下船而不發

元顯內畏桓玄故下船而不發

癸丑魏常山王遵等至高平

去年十二月魏遣遵等襲高平至是而

沒

奔于棄其部衆帥數千騎與劉勃勃奔秦州

秦州治上邽

率騎奇寄翻

魏軍追至瓦亭不及而還盡獲其府庫蓄積馬

四萬餘匹雜畜九萬餘口

畜許救翻

徙其民於代都

魏以平城為代

都餘種分迸

種章勇翻迸北孟翻

平陽太守貳塵復侵秦河東

姓譜

春秋貳軫二國後皆為氏貳塵之貳則虜姓也復扶又翻

長安大震關中諸城晝閉

秦人簡兵訓卒以謀伐魏

秦王興立子泓為太子大

赦泓孝友寬和喜文學

喜許記翻

善談詠而懦弱多病興欲

以為嗣而狐疑不決久乃立之

為姚泓以懦弱亡秦張本

姑臧大

饑米斗直錢五千人相食餓死者十餘萬口城門晝閉

樵采路絕民請出城為胡虜奴婢者日有數百呂隆惡

其沮動衆心

沮惡烏路翻在呂翻

盡阮之積尸盈路沮渠蒙遜引

兵攻姑臧

沮余翻

隆遣使求救於河西王利鹿孤利鹿孤

遣廣武公倂檀帥騎一萬救之

使疏吏翻倂奴沃翻帥讀曰率騎奇寄翻未

至隆擊破蒙遜軍蒙遜請與隆盟留穀萬餘斛遺之而

還

遺季翻

倂檀至昌松聞蒙遜已退乃徙涼澤段冢民五

百餘戶而還

涼澤即禹貢之豬野澤也在武威縣東亦曰休屠澤還從宣

中散騎常

侍張融言於利鹿孤曰

散悉亶翻
騎奇寄翻

焦朗兄弟據魏安潛

通姚氏數為反覆

數所
角翻

今不取後必為朝廷憂利鹿孤

遣倕檀討之朗面縛出降

焦朗以魏安招秦軍事見倕
去年五月降戶江翻下同

檀送於西平徙其民於樂都

樂音
洛

桓玄發江陵慮事

不捷常為西還之計及過尋陽不見官軍意甚喜將士

之氣亦振

史言桓玄畏怯劉牢之等
能仗順取之將即亮翻下同

庾楷謀泄玄囚

之丁巳詔遣齊王柔之以騶虞幡宣告荆江二州使罷

兵

騶則
尤翻

玄前鋒殺之柔之宗之子也

孝武太元十年以
柔之襲封齊王紹

攸周之祀宗
封南頓王

丁卯至姑孰使其將馮該等攻厯陽

豫州

刺史治
厯陽

襄城太守司馬休之嬰城固守玄軍斷洞浦

洞浦

即洞口魏曹休破
呂範處斷丁管翻

焚豫州舟艦

艦戶點翻

豫州刺史譙王尚

之帥步卒九千陣於浦上

帥讀曰率

遣武都太守楊秋屯橫

江秋降于玄軍尚之衆潰逃于涂中玄捕獲之

涂與滁同

司

馬休之出戰而敗棄城走劉牢之素惡驃騎大將軍元

顯

惡鳥路翻

恐桓玄既滅元顯益驕恣又恐已功名愈盛不

為元顯所容且自恃材武擁彊兵欲假玄以除執政復

伺玄之隙而自取之

復扶又翻
伺相吏翻

故不肯討玄元顯日夜

昏酣以牢之為前鋒牢之驟詣門不得見及帝出餞元

顯遇之公坐而已

坐但
卧翻

牢之軍漂州

漂音栗漂水出漂
陽縣在建康東南

元顯遣牢之西上擊桓玄非其路也晉書劉牢之傳作

洲又桓冲發建康謝安送至漂洲宋武陵王討元凶

邵四月戊午至南州辛酉次漂洲丙寅次江寧今舟行

自采石東下未至三山江中有洲山即洲也洲漂聲

相近故又為漂洲張舜民曰過三山十餘里至漂洲自

漂洲過白土磯入慈湖夾舜民柳行錄言沂流之先後

永程

也參軍劉裕請擊玄牢之不許玄使牢之族舅何穆

說牢之曰自古戴震主之威挾不賞之功而能自全者

誰邪越之文種秦之白起漢之韓信皆事明主為之盡

力

說輸芮翻
為于偽翻

功成之日猶不免誅夷況為凶愚者之用

乎君如今日戰勝則傾宗戰敗則覆族欲以此安歸乎

不若翻然改圖則可以長保富貴矣古人射鉤斬袪猶

不害為輔佐

齊桓公與子糾爭國管仲射桓公中帶鉤
子糾死桓公釋管仲之囚而以為相晉獻

公使寺人披伐公子重耳於蒲城重耳踰垣而走披斬其袪重耳反國披屢納忠射而亦翻

況玄與

君無宿昔之怨乎時譙王尚之已敗人情愈恐牢之頗

納穆言與玄交通東海中尉東海何無忌牢之之甥也

與劉裕極諫不聽其子驃騎從事中郎敬宣諫曰今國

家衰危天下之重在大人與玄玄藉父叔之資

玄父溫叔冲

據有全楚割晉國三分之二一朝縱之使陵朝廷玄威

望既成恐難圖也董卓之變將在今矣

董卓事見五十九卷漢靈帝中

平六年獻帝初平元年

牢之怒曰吾豈不知今日取玄如反覆手

耳但平玄之後令我奈驃騎何

元顯為驃騎將軍故稱之

三月乙巳

朔牢之遣敬宣詣玄請降

降戶江翻

玄陰欲誅牢之乃與敬

宣宴飲陳名書畫共觀之以安悅其意敬宣不之覺玄

佐吏莫不相視而笑玄板敬宣為諮議參軍

未有朝命以板授之

也元顯將發聞玄已至新亭棄船退屯國子學卒未陳

於宣陽門外軍中相驚言玄已至南桁

陳讀曰陣南桁即朱雀桁在臺

城南桁戶剛翻

元顯引兵欲還宮玄遣人拔刀隨後大呼曰放

仗軍人皆崩潰

呼火故翻

元顯乘馬走入東府唯張灋順一

騎隨之

騎奇寄翻

元顯問計於道子道子但對之涕泣玄遣

太傅從事中郎毛泰收元顯送新亭縛於舫前而數之

數所具翻舫甫曠翻

元顯曰為王誕張灋順所誤耳壬申復隆安

年號帝遣侍中勞玄於安樂渚

勞力到翻
樂音洛

玄入京師稱

詔解嚴以玄總百揆都督中外諸軍事丞相錄尚書事

揚州牧領徐荆江三州刺史假黃鉞

是時晉土全有荆
江楊三州徐州率

多僑郡而京口則重鎮也玄悉領之全有晉
國矣且將奪劉牢之之兵故領徐州以制之玄以桓偉

為荊州刺史桓謙為尚書左僕射桓脩為徐兗二州刺

史桓石生為江州刺史卞範之為丹陽尹

卞範之為玄
長史謀主也

丹陽京邑
故使為尹

初玄之舉兵侍中王謐奉詔詣玄玄親禮之

及玄輔政以謐為中書令謐導之孫也新安太守殷仲

文觀之弟也

殷觀見一百九卷
隆安元年觀音冀

玄姊為仲文妻仲文聞

玄克京師棄郡投玄玄以為諮議參軍劉邁往見玄玄

曰汝不畏死而敢來邪邁曰射鉤斬袪并邁為三玄悅

以為參軍

邁折玄事見一百八
卷孝武太元十七年

癸酉有司奏會稽王道

子酣縱不孝當棄市

會工外翻

詔徙安成郡

吳孫皓寶鼎二年分豫章長沙

廬陵立安成郡唐吉州安福縣及袁州諸縣皆其地也

劉昉曰安福縣吳安成郡治斬元顯及東

海王彥璋

彥璋元顯之子隆安初使繼東海王後

譙王尚之庾楷張瀟順

毛秦等於建康市桓脩為王誕固請得流嶺南

為于偽翻

以劉牢之為會稽內史牢之曰始爾便奪我兵禍其至矣劉敬宣請歸諭牢之使受命玄遣之敬宣勸牢之襲

玄牢之猶豫不決移屯班瀆

班瀆在新洲西南

私告劉裕曰今

當北就高雅之於廣陵舉兵以匡社稷卿能從我去乎裕曰將軍以勁卒數萬望風降服彼新得志威震天下

朝野人情皆已去矣

降戶江翻朝直遙翻

廣陵豈可得至邪裕當

反服還京口耳

反服謂反初服也離騷曰退將脩吾初服此言釋戎服而服常服

何無

忌謂裕曰我將何之裕曰吾觀鎮北必不免

牢之以討孫恩功進

號鎮北將軍

卿可隨我還京口桓玄若守臣節當與卿事之

不然當與卿圖之

此時劉裕已有誅玄之心

於是牢之大集僚佐議

據江北以討玄參軍劉襲曰事之不可者莫大於反將

軍往年反王兖州

王兖州謂王恭

近日反司馬郎君

司馬郎君謂元顯

今復反桓公

復扶又翻下復推同

一人三反何以自立語畢趨出

佐吏多散走牢之懼使敬宣之京口迎家失期不至牢

之以為事已泄為玄所殺乃率部曲北走

帥讀曰率

至新洲

縊而死敬宣至不暇哭即渡江奔廣陵將吏共殯殮牢

之將即亮翻
驗力瞻翻

以其喪歸丹徒立令斲棺斬首暴尸於市

暴步卜翻
又如字

大赦改元大亨 桓立讓丞相荆江徐三

州立既以其兄弟領荆江徐三州且已得建
康握朝權不復以丞相為重故悉讓之

改授太尉

都督中外諸軍事揚州牧領豫州刺史總百揆以琅邪

王德文為太宰 司馬休之劉敬宣高雅之俱奔洛陽

各以子弟為質於秦以求救

質音致

秦王興與之符信使

於關中募兵得數千人復還屯彭城間 孫恩寇臨海

臨海太守辛景擊破之恩所虜三吳男女死亡殆盡恩

恐為官軍所獲乃赴海死其黨及妓妾從死者以百數

妓渠綺翻
從才用翻

謂之水仙餘衆數千人從推恩妹夫盧循為

王

復扶
又翻

循諶之曾孫也

盧諶盧志之子初從劉琨琨死
仕於段氏段遼敗仕趙諶氏壬

翻神采清秀雅有材藝少時少詩沙門惠遠嘗謂之曰

君雖體涉風素而志存不軌如何太尉玄欲撫安東土

乃以循為永嘉太守

明帝太寧元年分臨海
立永嘉郡今之溫州

循雖受命

而寇暴不已

盧循事
始此

甲戌燕大赦

河西王禿髮利

鹿孤寢疾遺令以國事授弟儔檀初禿髮思復健愛重

傳檀

傳奴沃翻
鞬居言翻

謂諸子曰傳檀器識非汝曹所及也故

諸兄不以傳子而傳於弟

吳壽夢以少子季札為賢故
其諸子兄弟相傳欲以次傳

國於季札而季札終於不受禔疑烏孤利鹿孤致
國於傳檀猶吳志也豈知國亡於傳檀之手哉

利鹿

孤在位垂拱而已

垂拱謂垂衣拱
手無所為也

軍國大事皆委於傳

檀利鹿孤卒傳檀襲位更稱涼王

自此史稱禔
璉氏為南涼

改元弘

昌遷于樂都

樂音洛

謚利鹿孤曰康王

夏四月太尉玄

出屯姑孰辭錄尚書事詔許之而大政皆就諮焉小事

則決於尚書令桓謙及下範之自隆安以來中外之人

厭於禍亂及玄初至黜姦佞擢雋賢京師欣然冀得少

安

少詩
沼翻

既而玄奢豪縱逸政令無常朋黨互起陵侮朝

廷裁損乘輿供奉之具帝幾不免饑寒

乘繩證翻
幾居希翻

由是

衆心失望三吳大饑戶口減半會稽減什三四

會工翻
外翻臨

海永嘉殆盡富室皆衣羅紈懷金玉閉門相守餓死

此固

上之人失政所致而人消物盡亦天地之大數也周
餘黎民靡有子遺以此觀之容有是事衣於既翻

乞伏熾磐自西平逃歸苑川

乞伏乾歸送熾磐於西
平見上卷隆安四年

南

涼王儁檀歸其妻子乞伏乾歸使熾磐入朝于秦

朝直
遙翻

秦主興以熾磐為興晉太守 五月盧循自臨海入東

陽太尉玄遣撫軍中兵參軍劉裕將兵擊之

將即亮循翻下同

敗走永嘉

走音奏

高句麗攻宿軍

宿軍城在龍城東北句如字又音駒麗力

知翻燕平州刺史慕容歸棄城走

北燕平州刺史治宿軍

秦主興

大發諸軍遣義陽公平尚書右僕射狄伯支等將步騎

四萬伐魏興自將大軍繼之以尚書令姚晃輔太子泓

守長安沒弈干權鎮上邽廣陵公欽權鎮洛陽平攻魏

乾壁六十餘日拔之秋七月魏主珪遣毗陵王順及豫

州刺史長孫肥將六萬騎為前鋒自將大軍繼發以擊之八月太尉玄諷朝廷以玄平元顯功封豫章公平殷揚功封桂陽公并本封南郡如故玄以豫章封其子

昇桂陽封其兄子俊

魏主珪至永安

永安本漢順帝屬河東郡

改曰永安晉屬平陽郡隋唐晉州之霍邑縣本永安縣也鄜道元曰永安故霍伯之都也縣有霍太山秦

義陽公平遣驍將帥精騎二百覘魏軍

驍堅堯翻將即亮翻騎奇寄翻

覘丑廉翻又丑艷翻

長孫肥逆擊盡擒之平退走珪追之乙巳及

於柴壁平嬰城固守魏軍圍之秦王興將兵四萬七千

救之將據天渡運糧以餽平

柴壁在汾東天渡蓋汾津之名在汾水西岸

魏

博士李先曰兵法高者為敵所棲深者為敵所囚今秦

皆犯之宜及興未至遣騎兵先據天渡柴壁可不戰而

取也珪命增築重圍

重直龍翻下同

內以防平之出外以拒興

之入廣武將軍安同曰汾東有蒙坑東西三百餘里蹊

徑不通興來必從汾西直臨柴壁如此虜聲勢相接重

圍雖固不能制也不如為浮梁渡汾西築圍以拒之虜

至無所施其智力矣珪從之興至蒲阪

阪反

憚魏之彊

久乃進兵甲子珪帥步騎三萬逆擊興於蒙坑之南

帥讀

曰率下同斬首千餘級興退走四十餘里平亦不敢出珪乃

分兵四據險要使秦兵不得近柴壁

近其斬翻

興屯汾西憑

壑為壘東栢材從汾上流縱之欲以毀浮梁魏人皆鈎

取以為薪蒸

麓曰薪細曰蒸

冬十月平糧竭矢盡夜悉眾突西

南圍求出興列兵汾西舉烽鼓譟為應興欲平力戰突

免平望興攻圍引接但叫呼相和

和戶卧翻

莫敢逼圍平不

得出計窮乃帥麾下赴水死諸將多從平赴水珪使善

游者鉤捕之無得免者執狄伯支及越騎校尉唐小方

等四十餘人餘衆二萬餘人皆斂手就禽興坐視其窮

力不能救舉軍慟哭聲震山谷數遣使求和於魏

數所角翻

珪不許乘勝進攻蒲阪秦晉公緒固守不戰會柔然謀

伐魏珪聞之戊申引兵還

還從宣翻又如字

或告太史令鼂崇

及弟黃門侍郎懿潛召秦兵珪至晉陽賜崇懿死

鼂直遙翻

秦徙河西豪右萬餘戶于長安太尉玄殺吳興太

守高素將軍竺謙之及謙之從兄朗之劉襲并襲弟季

武皆劉牢之北府舊將也

從才用翻
將即亮翻

襲兄冀州刺史軌

邀司馬休之劉敬宣高雅之等共據山陽

沈約曰山陽
本射陽縣境

地名義熙土斷始分廣陵郡立山
陽郡及山陽縣唐楚州即其地

欲起兵攻玄不克而

走將軍袁虔之劉壽高長慶郭恭等皆往從之將奔魏

至陳留南分為二輩軌休之敬宣奔南燕虔之壽長慶

恭奔秦魏主珪初聞休之等當來大喜後怪其不至令

兖州求訪

隆安五年魏以長孫肥為兖州
刺史南徇地然未能有兖州也

獲其從者問

其故皆曰魏朝威聲遠被

從才用翻被皮
義翻朝直遙翻

是以休之等

咸欲歸附既而聞崔暹被殺

崔暹死見上卷三年

故犇二國珪深

悔之自是士人有過頗見優容

南京王倬檀攻呂隆

於姑臧

燕王熙納故中山尹苻謨二女

燕王寶即位之初苻謨為

中山尹長曰娥娥為貴人

長知兩翻城音戎

幼曰訓英為貴嬪貴

嬪尤有寵丁太后怨恚

恚於避翻

與兄子尚書信謀廢熙立

章武公淵事覺熙逼丁太后令自殺葬以后禮謚曰獻

幽皇后

丁太后素與熙通事見上年

十一月戊辰殺淵及信辛未熙

政于北原

龍城北原也

石城令高和

石城縣漢屬北平郡燕屬建德郡高和本為石

城令時以大表會于龍城耳

與尚方兵於後作亂殺司隸校尉張顯

人掠宮殿取庫兵脅營署閉門棄城熙馳還城上人皆

投仗開門盡誅反者唯和走免甲戌大赦魏以庾岳

為司空十二月辛亥魏主珪還雲中柔然可汗社崙

聞珪伐秦自參合陂侵魏至豺山豺山在善無縣北魏天興六年築宮於此

崙盧昆翻及善無北澤魏常山王遵以萬騎追之不及而還

太尉玄使御史杜林防衛會稽文孝王道子至安成

會工外翻林承玄旨酖道子殺之沮渠蒙遜所署西郡太

守梁中庸叛奔西涼蒙遜聞之笑曰吾待中庸恩如骨肉而中庸不我信但自負耳孤豈在此一人邪乃盡歸其孥西涼公嵩問中庸曰我何如索嗣中庸曰未可量

也嵩曰嗣才度若敵我者我何能於千里之外以長繩

絞其頸邪

索嗣死見上卷四年孥音奴
嵩古老翻索晉各翻量音良

中庸曰智有短

長命有成敗殿下之與索嗣得失之理臣實未之能詳

若以身死為負計行為勝則公孫瓚豈賢於劉虞邪

公孫

瓚劉虞事見六十卷
漢獻帝初平四年

嵩默然 袁虞之等至長安秦王

興問曰桓玄才略何如其父卒能成功乎

辛子恒翻

虔之曰

玄乘晉室衰亂盜據宰衡猜忌安忍刑賞不公以臣觀

之不如其父遠矣玄今已執大柄其執必將篡逆正可

為它人驅除耳興善之以虔之為廣州刺史

秦以廣州授素虔之

示以名位寵綏之耳

是歲秦王興立昭儀張氏為皇后封子懿

弼洸宣謐愔璞質達裕國兒皆為公

洸古黃翻謐氏壬翻愔於今翻

遣

使拜禿髮傉檀為車騎將軍廣武公沮渠蒙遜為鎮西

將軍沙州刺史西海侯李暉為安西將軍高昌侯秦鎮

速將軍趙曜帥衆二萬西屯金城建節將軍王松忽帥
騎助呂隆守姑臧松忽至魏安傳檀弟文直擊而虜之
傳檀大怒送松忽還長安深自陳謝

史言河湟諸國
皆畏姚秦之彊

